

光緒山西通志

關梁考五

考三之五

山西通志第四十八

賜進士出身頭品頂戴兵部侍郎兼都察院右副都御史巡撫山西提督軍務臣張嗣霖

旨監修

翼甯道屬地下

遼沁二州
潞澤二府

沾嶺以南居太行之腹者為遼沁潞澤皆古上黨也與河東
太原三郡鼎峙防禦之阻自昔為雄舊隸翼甯南兵備今改歸
冀甯然不得概以太原南路稱也以地形次為遼沁二州潞
澤二府

元和志漢二年定魏地置河東上黨太原三郡釋名云上
黨黨所也在山上其所最高故曰上也案釋名冀州云冀
易又帝王所都亂則冀治弱則冀強荒
則冀豐也元冀甯路之名蓋本於是

潞安府志冀甯分巡兵備道康熙六年裁

黃澤關在遼州東南一百二十里唐故關或以爲卽滏口也地鄰邢滏當三省之界關道曰十八盤有巡檢司稍西有摩天嶺皆峻險

方輿紀要黃澤關在黃澤嶺山勢險峻路徑曲折凡十八盤通河南武安縣

舊通志十八盤卽黃澤關地形志遼陽有黃澤嶺宋志遼州有黃澤砦金志關一黃澤元志元統二年晉甯路遼山縣十八盤立巡檢司明志遼州東南太行山上有黃澤嶺嶺有十八盤巡檢今復設弁兵駐防

順治十一年撥駐康

熙六年撥撥室兵

永爲駐防後裁改郭緣生述征記滏口陘在磁州武安

縣當以黃澤關爲正後魏永安中齊神武就食山東自晉陽出滏口太昌中神武自鄴入滏口擊爾朱於晉陽

卽關東西道也

案遼山澁水並在武安縣西南距關二百餘里關下乃澁水所源也以當澁口

似未確

隋仁壽末漢王諒將綦母良自澁口徇黎陽塞白

馬津余公理自太行下河內俱爲行軍總管史祥所敗
梁乾化三年五月賀德倫告急於晉晉王引大軍自黃
澤嶺東下與符存審會於臨清遂入魏博貞明元年開
封尹劉鄩以兵屯於魏莊宗入魏鄩謂晉兵悉從莊宗
赴魏而太原可襲乃結草爲人執以旗幟以驢負之往
來城上而潛軍出黃澤關襲太原晉兵望梁旗幟往來
不知其去也以故不追及軍去已二日莊宗曰劉鄩長
於襲人短於決戰計彼行及山下亟發騎兵追之會陰
雨積旬黃澤道險泥深尺餘士卒援藤葛而進皆腹疾
足腫或墜崖十二三晉將李嗣昭倍道先入鄩至樂平

不克進而旋

五代史郭整眾下山自邢州陳宋口趨明漳水而東云云陳宋口在黃榆嶺北

正德六年賊楊虎等自十八盤還破武安摩天嶺在州

東九十里

其北連馬嶺者曰黃榆關在和順縣東七十里道通邢臺直隸設兵戍之當內邊之南盡其爲縣設防者曰松煙鎮由青城黨城二汛以達於關實古關與道與十八盤並隸於栗城營皆晉東之外隘也

舊通志黃榆嶺口又東五里直隸界山勢崎嶇巖峻直上二十里南連清風站北接馬嶺口爲太行絕頂東疆第一險隘明洪武三年置巡檢司後裁今設兵防守清風嶺關南三十里順德府西南一百八十里馬嶺關北三十里順德府西北一百六十里

隸順德又有風門嶺桃樹平嶺並在邢

臺縣界黃花巖數道順並在黨城口縣東四十五里又沙河縣界皆黃榆以南隘也

東二十里至風門嶺東北二十五里至黃榆嶺青城村

縣東八十里松煙鎮縣東南五十里和順古城在縣西

北古閑與聚也

詳山川古蹟

其西通太原者曰八縛嶺即北八賦嶺口也在和順縣西一百二十里北出至榆次之霍城鋪曰馬陵關在榆社縣西北九十里常嶺有古長城南爲縣之雲篋鎮北出至太谷同馬峪口之范村

方輿紀要八賦嶺和順縣西百餘里兩山對峙如八字然一名八縛嶺大涂水出焉流入榆次縣境松子嶺縣北三十里與樂平接界有關在其上嶺路崎嶇最爲險峻馬嶺關在馬嶺上俗作馬陵謂龐涓死處誤矣其地控扼險要

自昔爲戍守處有巡檢司屬遼州榆社縣今裁

舊通志八賦嶺口在儀城鎮嶺有二懸崖曲磴西北曰

黑虎關赴太原要道西南曰青龍關赴平汾要道案黑

榆次縣志謂之泥城關皆俗名泥城又儀城之訛也青龍關在儀城南五十里通榆社

舊通志馬陵關太谷縣東南七十里榆社縣西北九十

里路通直隸順德回馬谷縣東南三十里袤四十里馬

陵關在谷中五代時梁伐太原刺史張歸厚軍自馬嶺

關入卽此案此馬嶺在樂平相順界紀要並引氏叔琮進軍事皆未審金圍太原敗

宋軍於回馬谷長城在馬陵上唐地理志嶺上有城其

城自平城至魯口沿山屈曲延袤三百里故名長城唐

武德二年築貞觀元年廢宋初李繼勳下遼州戰帶甲

祠斬首萬餘級追奔至長城擒其將莫鮑叔掠人騎二

百餘

案今遼州西北有長城鎮與和順界平城由和順

口遠在轉陽地

霍城舖在榆次縣東南九十六里至八

勢不相涉也

賦嶺十三里

霍城一作解城志云縣東南三十里榆城

坂徑險仄商旅多輪蹄蹶上有土寨盤

賜嶺東南五十里勢盤曲

如賜爲八縛嶺之前勁

榆社縣志縣東至武鄉嶺遼州界四十里雲簇鎮縣西

三十五里今設汛兵以資防禦閭閻鱗次商賈雲集殆

勝於縣治云

其內隘之屬沁州者曰分水嶺在武鄉縣西北九十里卽胡

甲嶺也嶺之南曰西湯店在州北曰亂柳塞在州南並有分

汛爲入潞之衝途踰嶺而北爲隆州谷之南關西達平遙之

上店與祁縣之北關界

武鄉縣志南關里所領村石坂溝權店護甲地皆絕險

而南關一鎮北界祁縣西達上店山界連平遙尤冀南

戶牖潞澤咽喉金志武鄉鎮一南關護甲山在縣西一

百里卽分水嶺涅水出焉明初置巡檢司後裁龍舟麓

在護甲鎮案護甲本作胡甲龍舟本權店南入沁州界

走馬嶺牛市鋪北入護甲山南關陰延接祁縣界子洪

鎮國柏谷險道二十里有奇實爲結轂口陰延在南關

北兩峰對峙高出雲表山半一道裁通往來昔人建立

南關壘尙存界連祁縣爲西北絕隘卽金將粘沒喝仰

歎處王世貞通晉紀行午飯沁州又數十里小憩鋪舍

慘懸崖而下聲如轟雷計別取高嶺箭括一門十步九

退時時行絕程間陽壁直上不可捫陰空數十丈大約

如蜀中左擔山之險抵一鋪束燎而前凡渡數水河流

洋畔增啗若擊數千鉦行里許復透遮攀高嶺其峻歷

視前更倍勉上輒前路下輒後路又里許道差寬而權

店驛候火亦至抵驛將二鼓矣明日稍晴乃發兩岸皆

高山絕雲中爲巨欄沿澗水而北崩峽東流峽皆石肯
左道盡則渡而右右道盡復渡而左凡數十渡氣竭興
亦盡未至南關驛大抵無非山者其中籌爲澗澗旁稍
高爲道道稍有美地則爲市舍美地稍寬而阜稍險則
爲城邑城邑之所不盡坡陀上下則爲田

沁州志漳源鎮在州北三十五里鎮北路入深谷旁皆

峭壁中通問道時爲飛湍衝遮上下逶迤十步九折由

此抵牛侍鋪走馬嶺入武鄉界案鎮北五里爲交口又

日西湯店並有汛西湯五代史作西唐後唐清泰末趙

延壽自河陽引兵如潞州遇其父德鈞於西唐店以兵

屬之亂柳寨在州南十五里宋太平興國二年於銅鞮

縣界亂柳石園中建威勝軍今名段柳村志以亂

柳石園卽州城是也舊通志唐天祐四年晉王李克用以蕃漢都指揮使周

德威爲行營都指揮使壁於高河與梁拒戰及晉王病

篤乃退營亂柳卽今段柳村也周世宗時建雄軍節度

使楊廷璋前後率兵入太原境并人棄沁州二百里退

保新城時沁州僑治沁源縣上間新城乃亂柳北城也

案沁州本治沁源縣非僑置

鎮戍遼州屬曰栗城鎮曰雲頭底在州境有營曰儀城鎮在

和順縣有巡檢司沁州屬曰權店在武鄉縣有汛有驛

遼州志栗城營都司駐栗城鎮

州東南四十里

雲頭底分駐千

總一員黃澤關松煙鎮各駐把總一員

松煙鎮詳前黃榆關

舊通志和順縣八賦嶺巡檢司駐儀城鎮

縣西一百一十里權

店營駐武鄉縣權店驛

縣西八十里把總一員隸汾州路今改外委

故戍在遼屬者州有清谷府和順縣有趙奢壘韓信寨榆社

縣有困悶城黃花嶺在沁屬者州有烏蘇城沁源縣有縣上

關柴店關固鎮寨青龍寨武鄉縣有昂車關石會關土河寨

寰宇記青谷水口在遼山縣東北長山唐志遼州有青谷府蓋唐初府兵所

居趙奢壘在和順縣東五十里困悶城在榆社縣南十五

里圖經云趙簡子至此病篤遂築此城又有困悶川案縣南五

十里有狗腰關當卽古田悶川也

方輿紀要關與城在沁州西北二十里秦始皇十一年王

翦攻閼與及轅陽漢二年韓信破代擒代相夏說於閼與

卽此處也冀州圖謂之鳴蘇城俗曰烏蘇城案顧氏以趙奢破秦軍解

閼與之圍別在河南武安縣舊志辨爲在遼州和順當是而據史記孟康注在上黨涅縣漢涅兼遼沁二州地故

元和志亦兩繫沁源縣縣上關縣西八十里洪武四年置之茲姑存古說

巡司又柴店關在縣北唐置舊爲戍守處固鎮砦縣西南

三十里唐會昌四年官軍討澤潞叛帥劉稹降將高文端

言固鎮砦四崖懸絕勢不可攻然砦中無水皆飲澗水在

砦東約二里許官軍宜進兵逼之絕其水道不過三日賊必棄砦遁去官軍即可追躡前十里至青龍砦亦四崖懸絕可以前法取也其東十五里卽沁州城矣

案其時沁州治沁源縣

武鄉縣昂車關在縣東北七十里唐置亦曰芒車關魏收志沾縣有昂車嶺新唐書武鄉縣有昂車關會昌三年劉稹以昭義叛詔討之河東節度使劉沔以兵守昂車關旣詔沔自昂車關臨賊境又光化五年朱全忠將氏叔琮入太行山天井關進軍昂車關是也土河寨縣東七十里西南北三面阻絕深澗東面有牆舊爲戍守處今名土河村

武鄉縣志縣北三里樟川鄉有下關村上關村又北十二里有關壑口爲昂車關舊址

石會關在榆

社縣西北又西卽武鄉之昂車關爲扼要之處唐置關於此會昌三年河東帥劉沔討澤潞軍於石會劉稹亦遣其

將郭僚守石會既而河東將王逢克之四年太原軍亂石會守將楊珍復以關降稹尋復取之五年潞州軍亂李德清召河東帥王宰守石會關且分兵守潞州四境亂尋定又光化三年汴將氏叔琮自馬嶺西侵河東爲河東將周德威所敗引還德威追之出石會關叔琮復敗去五年朱全忠大舉攻河東分遣其將氏叔琮拔澤州降潞州進取晉陽出石會關營於洞渦驛攻晉陽不克叔琮復白石會關引歸天復二年叔琮自晉陽敗河東兵長驅圍晉陽不克引還河東將李嗣昭追之及石會關叔琮留數馬及旌旗於高岡之巔嗣昭等疑有伏引去五代唐同光初梁人謀分道攻唐以陝虢澤路之兵自石會關趨太原不果清泰三年契丹救石敬瑭至太原圍唐兵於晉安寨遊騎至

石會關漢初以契丹既去汴議進取之道漢主欲自石會

關趨上黨不果周顯德五年潞州帥李筠擊北漢石會關

拔其六寨關蓋澤潞北走晉陽之徑道也案石會關地志

質良謂在潞州固非顧氏魏之榆社似矣然以唐書及五代史核之當在武鄉西北藩鎮劉河討劉稭守昂車關

壁榆社又取石會關劉稭將康良全棄石會關退屯三十

里守鼓腰嶺舊史氏叔琮自馬嶺侵河東為周德威所敗

追之出石會關諸語證之似即隆州谷之南關也其地尚

有石密會村自關東南行五十里至權店驛其北有地名

虎密蓋鼓腰之同聲自北漢於谷口建隆州城石會之名

迷隱今則並隆州亦鮮有知者但稱關為南關北關谷口

為子洪口也實為澤潞入太原第一要衝

在馬嶺之南昂車之西者故宜次之武鄉

舊通志韓信擒夏說於閼與當在和順有韓信舊寨古

壘尚存黃花嶺在榆社縣西五十里舊設巡檢司今裁

鄉堡附見舊志者凡遼屬五十四處沁屬六十二處

舊通志遼州三十七鎮堡長城鎮北四十里 桐峪鎮南九十里 芹泉鎮京三十一

山西通志卷四十八

卷之二十一 關隘

村寨西四十里二十五里王可寨沁源縣二十二寨堡安

寨城北西紫金山明崇祿五年知縣范延輔建以衛城

柏子鎮在西南霍登堡任家堡王莊堡王和堡

大官堡堡王段堡堡任家堡堡石渠寨王留寨

寨安樂館寨王侯堡寨陽城寨郭道寨見前武

鄉縣十六鎮寨故城鎮西北五十里往可陟至錫岩嶺

十二里遼州界龍鎮東四十里東至大界峽四十

里與黎城界童棚寨在縣東一名岑彭寨驢寨

一名馬武寨監張東二十里北馬樂寨東二十里陽

大曲鎮東七十里段村西十里南亭西九十里

城地勢臨高而俯漳川古陽城縣地石盤西九十里

十里東北距信義西七十里土河寨東七十里

十里東北距信義西七十里土河寨東七十里

津梁遼屬陽和橋通晉橋翻轅嶺橋黃漳橋突隄橋五拍橋

羊角橋粟城橋永濟橋七里橋梁峪橋小石橋青龍橋通濟

橋井泉橋二龍橋並在州境河南橋雲橋再振橋廉村橋峽

口橋馬會橋和平橋同翼橋桃楊橋韓村橋東周橋南村橋
雲簇橋在榆社縣沁屬楊公橋通文橋雙水橋伏龍橋通利
橋鶴莊橋環翠橋劉公橋洪渠橋馬鋪橋黃沙橋永濟橋小
溝橋普渡橋故縣橋廣惠橋廣德橋帶玉橋迴瀾橋霧騰橋
三益橋固益橋北河橋隰莊橋天成橋段莊橋西壁橋白溝
橋石佛橋尚義橋漳源橋永安橋接引橋萬安橋石堠橋西
陳橋後橋並在州境靈空山橋在沁源縣環水橋漳河橋關
河橋萬善橋萬緣橋永利橋石澗橋嶺頭橋聚羊橋付莊橋
通濟橋姜村橋在武鄉縣

遼州志陽和橋州南門外通晉橋州西門外翻轅嶺橋
州南三十里黃漳橋在黃漳村突隄橋州北五十里五
指橋州東八十里羊角橋州東九十里栗城橋州東四

十里永濟橋州南火神廟嶺七里橋州西七里店梁峪
橋州南二十里小石橋州西四里青龍橋州東八里黃
家會村通濟橋州南七十五里桐峪鎮南井泉橋州南
九十里柴城村西二龍橋州東南九十里谷豚村又有高歡洞

榆社縣志河南橋縣南一里許雲橋再振橋在東門外
廉村橋縣西三里峽口橋縣西八里北馬會橋縣西南
十五里南馬會橋西南二十里和平橋西南三十五里
同翼橋縣南賈峪口桃陽橋縣西二十里韓村橋縣南
三十里東周村橋縣北十里南村橋縣西南三十里雲
簇橋縣西三十里又有浴浪橋在北泉寺

舊通志和順縣漳河清淺可揭無容以石砌橋

沁州志楊公橋在城內大街康熙二十六年知州楊茂
英建通文橋在州治東雙水橋在南郭外雍正九年重
修道光丁酉又修伏龍橋在州南一里明嘉靖間壽民
牛貴建通利橋在州東南小官道康熙七年知州汪宗
魯建鶴莊橋州南三里環翠橋在北郭外元宣撫楊惟
中建乾隆二年知州何鳴謙重修劉公橋在北郭外里
許舊名永惠橋久圯康熙三十五年知州劉民瞻重建
道光中里民重建洪渠橋州西南五里康熙二十年州
民任法寶募建三十二年大學士吳琬重修馬鋪橋州
南十三里黃沙橋州南十五里小溝橋州南二十五里
窰子村普渡橋州南古城村康熙四十三年拔貢吳時
諫廩生吳時詠同建廣惠橋州南南里村康熙中歲貢

吳瑛建又廣德橋在中里村舉人吳瑛建今圯帶玉橋州西西渠村明建

乾隆間修咸豐間又修迴瀾橋州北四里康熙七年汪

宗魯建霧騰橋州北五里三益橋州北景村鋪康熙二

十四年村人吳命新建固益橋雍正七年諸生朱琦建

又有南渠橋北堤橋並在固益村北河橋州北二十五里康熙四十八

年僧普恩募建隰莊橋州北十里天成橋州南二十三

里並乾隆二十四年建段莊橋州西十里西壁橋州西

南三十里並乾隆三十六年建永濟橋州南自家溝村

乾隆中修同治八年又修石佛橋州東靈峪村尙義橋

州西北元王村通判郭礪山建南橋州北漳源鎮永安

橋州北牛侍鋪接引橋州北仙鶴山下有泉水湧出後

橋州北李家窰萬安橋州西丈壑村石堠橋在州東西

陳橋在州西

沁源縣志靈空山縣西北七十里
有巒橋跨澗而過與仙橋連

武鄉縣志環水橋在西門外漳河橋西門外橋坡下舊爲小橋二康熙末知縣李援增建大橋置橋租歲修闢河橋縣西三里亦李援建萬善橋萬緣橋並在故城鎮永利橋縣東二十里長樂村雍正四年知縣龔新建石澗橋縣東十五里李莊邢村間康熙五十六年知縣李援建嶺頭橋縣東五十里韓壁東田兩村間聚羊橋縣東六十里土河村因村富民李萬羊而名康熙初重修程康莊有記付莊橋縣西南十里通濟橋縣西北百二十里姜村橋縣西南二十里知縣吳名琅建

右遼沁二州

澤潞憑高設險障蔽兩河而潞川中夷外阻尤自古形勝地也其當東出之衝者曰東陽關在黎城縣東二十里一名吾兒峪古壺口關也道通河南涉縣今駐營防守並設釐卡

方輿記要吳兒峪黎城縣東二十八里又東北接河南涉縣亦曰吾兒峪太行山口也後唐清泰三年張敬達攻河東爲河東及契丹所敗趙德鈞將盧龍兵由土門路赴救進至吾兒峪趙潞川元至正中察罕帖木兒塞吳兒峪以遏賊衝是也馬氏曰吾兒峪卽故壺口關蓋音譌也今其地至爲要隘有巡司戍守

舊通志吾兒峪巡檢司明洪武二年置後移置東陽關名仍舊漢書上黨郡有壺口關通典黎城有壺口故關

唐志金左傳哀公四年齊伐晉壺口杜注潞縣東有壺

口關今屬黎城縣卽吾兒峪也蓋嬰兒奪黎地故也唐案

始分潞縣置黎城杜唐討李克用張溶軍至陰地朱全

忠遣驍將葛從周自壺口關潛入會李存孝擒孫揆從

周通還明崇禎十五年任國琦自松山遁歸由林縣夜

踰壺口關十一月掠長治北董鎮蘇店秦家莊從容入

秦去

黎城縣志東陽關今駐守備咸豐三年八月粵匪自平

陽東竄陷潞城十七日入境城不守次日由東陽關逸

去竄河南涉縣圖說關踞山坡王侯嶺爲外口南北皆

楓樹園石背底朱家莊煙井口諸小徑並分汛

虹梯關在潞城縣東南一百一十里東出爲茱萸巖與河南

林縣界有巡檢司駐虹梯村

舊通志關在平順縣東北六十里張井里柏木都大山中有石徑通河南林縣山形如壁勢峻極天徑如雲梯土人傳魯班所鑿上有虹梯關置巡檢司地形志壺關有魯班門一名天門

潞城縣志茅蘭巖在縣東南一百二十里道光中土寇據以劫掠旋勦平之

圖說虹梯關即茅蘭巖內口羊腸盤曲五十四折始至梯頂也

大河口在壺關縣東南一百四十里古穴陘嶺道也通林縣有營有釐卡其北爲玉峽關卽古羊腸坂也有汭東出之隘曰桃園梯曰花園梯曰金鑑寺並通林縣其由關至河口之間道曰五里溝

元和志潞州東取穴陘嶺路至相州三百五十里

壺關縣志

山在縣東南莊則村土人燒石以通林縣之道約入九十里步如洞穴然其中黝昧騎者必下勃率蹒跚以行凡半里許紫山有二大窟籠在村西出穴踰七里棧又有小窟籠行二十里至大河口

寰宇記羊腸坂在壺關縣東南一百六里今名洞口沾水

出焉王莽命五威將軍王嘉曰羊頭之阨北當燕趙舊有

關亦謂壺山

壺關縣志大河汎駐防把總咸豐六年增設國說大河

寨界連林縣地勢平漫西南偏玉峽關在新興二里花

園村西高山峻嶺名風門墁下通河南林縣兩山峭立

若玉峽然舊置巡檢司今裁有營防駐之寨玉峽與虹

縣縣裁後分屬閩汛正梯隘在縣東一百一十里路通

林縣形險似梯一名梯頭隘素此為玉峽關外口北道

挑園梯張應登林縣險要圖說挑園店西上有水泉一道與山西平順接界峻險一橋可渡一人東西咽喉行

者絡十八盤隘在縣東南八十五里山徑僅容人行通

林縣楊家石塘

楊家石塘在大河口南所云大河卽供水上源與沾水合流者也

金鐘寺卽

棋谷在正梯南五里源亦在玉峽關外

太行入陘起自河內澤其首衝也曰天井關在鳳臺縣南四十五里闕踞山之絕頂古卽名爲太行陘也今有驛有巡司有營汛有釐卡並在闕南之攔車鎮由鎮西南行爲小口東南行爲大口碗子城在焉並通河南河內縣

寰宇記太行陘在河內縣西北三十里

澤州府志天井關太行絕頂戰國策曰桀之居左天門之陰地理志上黨高都有天井關卽天門也漢建武二年遣司空王梁北守天井關擊赤眉又馮異攻天井關破上黨兩城宗正劉延攻天井關上黨太守田邑拒之

唐劉稹叛河陽節度使王茂元遣將當天井關爲稹將
薛茂卿所破執四將火十七柵詔王宰以本軍入懷澤
茂卿與宰通十一月僞挑戰亟北委天井關而去宰遂
焚大小箕村茂卿奔澤州使諜言於宰曰澤可取吾應
於內宰疑不進稹聞其貳召殺之會昌三年十一月宰
進攻澤州與劉公直戰不利公直乘勝復天井關宰進
擊大破之遂圍陵川克之天復元年梁將氏叔琮攻晉
出天井關昭義節度使孟遷降金宗翰趨汴使晏室等
自平陽先趨河南撒刺荅破天井關又破步兵於孔子
廟遂降河陽正大四年蒙古木華黎攻天井關人民逃
匿山澤杜牧上李司徒澤潞用兵書曰河陽西北去天
井關強百里關隘多山井不可鑿案今關南有
晉井天成深不可測而無水有天井溪北流合白水名
北流泉亦非井所云井不可鑿信然而通典云關前有

天井泉三攔車鎮城南六十里金志晉城鎮二周村巴所未詳

公舊又置星軺鎮曰攔車以北十五里有孔子回車廟

雍正五年設把總一員澤州府同知駐劄把總今改守備同知移駐

陽城東治別設橫望隘城南八十里太行絕頂謂之大

口卽狄梁公望雲處因名南距碗子城十里明洪武二

年置巡檢司戰國策曰北塹太行之道則上黨之兵不

下又曰左右孟門羊腸在其南盧罕在其北正義曰羊

腸太行坂道名南屬懷州北屬澤州元和志太行陁在

懷州北闊三步長四十里今自碗子城南長平鋪至新

店自星軺驛北至河底皆所謂羊腸坂又縣南六十里有磨盤寨一名

孟良寨有小碗子城南九十里羣山回而道路險仄唐

初築此以控懷澤之衝其城甚小故名其山羊腸所經

百折中有平地僅畝許宋太祖親征李筠山多石不可
行太祖先於馬上負數石羣臣六軍皆負之即日平爲
大道卽此元至正十八年曹濮賊王士誠等上太行陷
晉甯路平章察罕帖木兒敗之分兵屯澤州塞碗子城
破其關澤州守將賀宗哲遁王世貞馮勝傳云從大將
軍徐達下山西從武陟取懷慶踰太行克碗子城取澤
州遂取潞州正統間甯山衛指揮胡剛鑿石平險車騎
差可通今碗子城卽爲澤州界南下四十里爲清化鎮
屬河內境半有山險爲犬牙相錯之地晉豫兩
省門戶
嘉靖二十二年秋巡撫河南御史秦中李宗樞建
寇橫逆借地修
城以控扼要衝
小口在碗子城西山西梁別徑入山至
星軺驛南十三里會大道隋大業三年帝幸榆林郡還
至太原上太行山欲過御史大夫張衡宅乃開直道九

十里達河內以抵其宅卽今小口是也

關以東隘道之在陵川縣者曰永和隘今奪火鎮也有汛道
通河南修武縣南踰五度關爲瘦驢嶺稍西爲望仙樓稍東
爲裨子碣又東爲風谿口並界修武旁連輝縣爲潞府南出
之要隘

天下郡國利病書永和隘在陵川縣南六十里路通修武
縣明設巡檢司旣革而調甯山衛官兵守之今亦罷五度
關在縣東南八十里路通輝縣明初以甯山衛官兵守隘
今罷

陵川縣志由縣南七十里至奪火鎮又十里至城兒溝
卽五度關又十里至十八盤又十里至雙頭泉又十里
至瘦驢嶺與河南修武縣小洪河界

瘦驢嶺路雍正十
二年開伐山通道

凡二十八盤下雙頭河朱太守樟以此路達潞安高平等處商販往來恐有奸徒私販硝磺等情詳立塘汛於奪火鎮南之軍寨口奪火鎮南五里至軍寨又十五里至望洛村又南至望仙樓口由鎮偏東三十里至碑子碣又十里三十五里至風壑口皆與修武界明正德初盜張茂等聚眾至千人大掠壺關復自十八盤山口出破武安縣臨洺鎮諸處崇禎三年賊老回回由汾州平陽蔓延至奪火鎮以爲巢穴冀甯道王肇生平之

自關而西隘道之在陽城縣者曰白雲隘俗名竈君梁有汛通河南濟源縣稍東有荆子隘又南有火石梯皆南出間道也

陽城縣志白雲隘在孤山之南前志所謂阜君梁近梁曰風門曰弔鹽橋兩崖夾峙窄徑中通同治戊辰創建

石城又於山巔建石密卡房荆子監縣東南百十里白雲監旁入之徑六年防禦時築有石牆火石梯在荆子監東盤谷西北尤險僻入白雲監要路地屬濟源咸豐三年髮逆攻圍懷慶時晉豫撫臣會奏准陽城於此防

守

圖說縣屬大小十七隘
曰白雲監爲最衝要

其西道之通平絳者曰摩訶嶺古奚斯巨嶺也在潞之屯留縣踰嶺爲良馬寨達岳陽之府城關曰東鄆嶺古鉞陞也在澤之沁水縣當嶺爲王寨鎮達翼城之西鄆嶺曰西轟轟口古鼓鐘川也在陽城縣爲澤之極西南境達垣曲之誓冢鎮寰宇記鹿谷山有大道入壺口東出達襄國西登奚斯巨嶺以達河東徑阻千里

案鹿谷山卽盤秀山俗名摩訶嶺在屯留縣西南九十里

烏嶺

山南北有長嶺嶺上東西有通道穆天子傳云鉞陞卽此

也

詳山川考
霍山下

方輿紀要良馬寨在沁州東八十里志云潞州津梁寺水

草美良馬寨置於此

案地在屯留縣西南九十里

唐會昌四年河中帥

石雄討劉稹拔其良馬等三砦一堡是也

舊通志岳陽縣草峪嶺東南七十里路通潞安府五十

里至勞耕村又二十里至屯留縣界良馬村

岳陽縣志
草峪嶺縣

東九十里嶺東為府城鎮

案此道西起洪洞之曲亭
嶺東至長子之鮑店鎮中間所歷岳陽屯留二縣境胥

山險也光緒六年發

庫金平治以通鹽車烏嶺山二嶺相對曰東烏西烏以

山色黑名乃沁翼之險要也

東塢嶺把總駐沁水縣王
寨鎮距關十五里後裁今

設外委

唐會昌三年九月石雄為晉絳行營節度使代

李彥佐時王宰屯萬善劉沔屯石會關願望莫先進雄

蒞事明日即引兵踰烏嶺破王寨殺獲千計後周廣順

元年十月北漢主攻晉州別遣陳思讓康延沼自烏嶺
出晉州與都部署王俊會

陽城縣志西轟轟口

舊通志作西洪洪

在縣西南一百一十里

南入垣曲道頗衝要同治三年設汎汎旁窟籠山沁濟
皆可旁通其北五虎口距此二十里係汎內隘兩崖夾

峙中通河路

案河即水經注之教水也自轟轟口至鼓鐘鎮約三十里曲行峽中鼓鐘鎮俗作替

冢在垣曲縣東北五十里

其內隘之出沁潞間者曰虎亭驛在襄垣縣南有五嶺關出
澤潞間者曰長平驛在高平縣北有長平關

天下郡國利病書五嶺關在襄垣縣西南七十里正統元
年巡撫于謙請置巡檢司長平關在長子縣南四十里高
平縣北四十五里以古有長平郡得名即白起坑趙卒四

十萬處

長平驛在縣西北二十里長平鎮

潞安府志五嶺山關明正統間置屬襄垣縣駐虎亭鎮

北控沁州虎亭驛在襄垣縣西北六十里古銅鞮冶漢

夏台為虎亭

漢書曰銅鞮有上虎亭下虎亭水經注

也是今虎亭鎮

乃傾城寰宇記銅鞮城在沁州南十五里北此也虎亭雖不甚憑山險

而為路北門控小漳水之全勝故漢高帝阻此以敗韓

王信周廣順元年九月劉崇遣大將李瑋領馬步軍各

五都鄉兵十都自圍柏軍於鶴子店磁州團練使陳恩

讓與都監向訓張仁謙等率龍捷吐渾軍至虎亭西與

瑋軍遇殺三百餘人生擒百人獲崇偏將王璠曹海金

馬五十匹又廣順中王彥昇從向拱破太原兵虎亭南

斬其帥王璋於陣

城鎮之有官守者潞屬曰太義鎮曰西火鎮在長治縣曰鮑店在長子縣曰平順城在潞城縣澤屬曰東冶鎮曰白桑磧廠在陽城縣曰端氏鎮在沁水縣

潞安府志潞安府同知駐太義鎮在縣南六十里縣丞駐西火鎮在縣東南八十里並乾隆二十八年設平順縣乾隆二十九年改鄉隸潞城縣駐外委一員

長子縣志鮑店鎮在縣北四十里北通太原西達平陽通志潞澤營將領統鎮於郡城分哨於諸邑康熙五十七年增設駐防今駐外委隸潞安營

陽城縣志澤州府同知乾隆二十五年自攔車鎮移東冶村村在縣東南二十五里村西有白桑磧廠歸官拆辦把總駐守沁水縣志端氏鎮巡檢司在縣東九十里

首邊當澤潞交者故蹟久湮在黎城縣東者袤七十餘里
潞安府志澤潞之交橫亘一山起丹朱嶺至馬鞍壑有
古長城一道歲久傾頽遺蹟尙在登高望之宛然聯絡
中有營壘土人謂梁晉交兵時築陵川又名山爲秦嶺
謂秦時築以事考之則長平之役秦人遮絕趙救兵及
芻餉而築也又計石城百里非假以歲月不易成蓋嘗
循沁河之濱當絕險之地有城二北曰武安南曰屯城
皆白起屯兵之所至山石水進退有據其去長城尙百
餘里頓大兵於此起數險而擒薙勁敵俾無應類夫以
四十萬眾旣當其鋒又絕其後又宿重兵於別所布置
得宜陰陽互用觀武安君之行營部署而信其能成於
頃刻也

黎城縣圖說縣東吾兒峪有石垣北起白寺交南至煙

井居人呼爲邊牆

案圖石垣自縣東北五十里白寺交南至縣西垣外爲清泉口垣內爲石

背底又南至二十里至縣西

縣西垣外爲清泉口垣內爲石

而東十里至王侯嶺西距東陽關十里

東距步縣界下

陽濟六里並有重垣又南十里許至朱家店又五里爲

煙井口蓋元末所築者府志祭罕帖木兒調關保虎林

赤守路州李惟馨圖地利險易塞碗

子城吾兒峪以杜諸隘賊遂不得入

故戍在路安府者長治縣有壺關口長子縣有穀關橫水戍

雕黃嶺武訖嶺屯留縣有上黨關邊寨鎮襄垣縣有井谷關

松門嶺潞城縣有三垂岡微子城穿塹堡黃碾鎮黎城縣有

臺壁玉斗崖白雲谷礮溪峰漳義隘馬蹄隘壺關縣有曹公

壘照城益陽城陽護城在澤州府者鳳臺縣有馬牢關武靳

關柳樹隘將軍寨高平縣有石壁關營房嶺陽城縣有白澗

嶺傅齊嶺陵川縣有王莽臺馬武寨九仙臺沁水縣有武安

嶺

嶺馬邑城王離城青龍寨實莊堡

方輿紀要壺關山在長治縣東南十三里崖徑仄險形如壺口漢志上黨郡有壺口關蓋置於此亦謂之崞口唐天寶末李萼說平原太守顏真卿欲開崞口出程千里之師建中二年田悅以相魏叛貝州刺史邢曹俊謂悅曰今置萬兵於崞口以遏西師則河北二十四州皆爲尙書有矣旣而田悅閉臨洺河東節度馬燧昭義節度李抱真救之合兵東下壺關軍於邯鄲圖經壺口東出相州滏口謂之崞口地形險要自昔爲襟喉之地是也案此徑當卽元和志東取穴堅嶺路至相州者似崞口乃今壺關縣之大河口而壺口其西口也長治本漢壺關縣因關而名而黎城之吾兒峪亦名壺口不知始於何時據左傳杜注則晉初已有其稱矣長子縣神農城魏土地記在縣東南六十五里羊頭山下有神農泉又有穀關雕黃嶺在

縣西五十里唐會昌三年劉稹以澤潞叛使其將李佐堯守雕黃嶺以拒官軍大順初河東將李存孝擒孫揆於長子西追擊餘眾於雕黃嶺盡殺之

雕黃今作刁黃元史鄭胤傳亦作雕黃

垣縣井谷關在縣東南四十里寰宇記其地有天井谷深邃如井中有關魏初遷鄴置亦名天井關松門嶺冀州圖云在縣北百三十里通太原驛路

案縣北百三十里潞城地在武鄉境內

縣三垂岡縣西二十里晉永嘉中劉聰將喬乘攻晉上黨太守龍和於壺關平北將軍王廣韓柔馳救敗喬乘於三垂五代梁開平二年晉王救潞伏兵於三垂岡乘大霧直抵夾寨出梁軍不意大敗之卽此微子城在縣東北十五里黃礪村在縣西北距上黨四十五里晉王救潞州軍於黃礪村是也

今黃礪在漳河東去縣十五里

黎城縣臺壁水經注潞縣北

對故臺壁漳水逕其南本潞子所立晉太元十九年慕容
垂伐西燕慕容永聚糧臺壁遣兵戍守以拒之旣而後燕
圍臺壁臺壁降垂陣於臺壁南遣別將伏千騎於澗下與
永合戰垂僞退永追之行數里騎從澗中出斷其後垂兵
四面俱進大破之卽此石勒城在縣南八十里舊傳石勒
築此以貯穀因名志云古臺壁在縣東十五里似非據水經注當去漳水不遠在今黎潞二縣界
壺關縣照城舊平順縣東三十里西燕慕容永所築以拒
慕容垂者又有益陽城在縣東南四十里今爲城頭村案括
地志後魏移壺關縣當羊陽坡地名潞澤州馬牢山在東陽益陽蓋潞陽之聲轉也距縣六十里
南唐大順初汴軍圍澤州河東將李存孝擊之汴將李譱
等遁去存孝隨而擊之大破之於馬牢山卽此丹谷晉書
地道記高都有太行關丹溪爲關之東谷塗自此去不復

由關矣後魏主誅爾榮爾朱世隆引兵犯洛陽不克北趨并州詔源子恭出西道討之仍鎮太行丹谷築壘以待之既而爾朱兆據晉陽南破丹谷軍遂渡河趨洛陽鳳臺縣志馬牛關縣東南入十里柳樹監卽丹谷壘東南入陽城縣白澗十里路通河南清化鎮明置巡檢司今裁嶺縣西北十六里魏泰常初丁零翟猛省驅掠吏民入白澗山爲亂遣將軍張蒲等擊平之案唐志澤州有白澗府沁水縣馬邑城在縣東二十里山上秦趙拒戰築此城以養馬其地峻險南臨小澗北距大川王離城縣東北五十六里志云秦將王離所築阻險臨崖四面懸絕

舊通志橫水鎮在長子縣西一百里岳陽縣界元設巡檢司後裁唐討劉稔於昭義軍會橫水戍兵叛入太原逐其帥李石奉裨將楊弁主留後事

案橫水卽入十川西踰沁河通古冀

氏縣東達刁黃嶺為唐時驛道橫水戌屯留縣上黨關
正當在此志以為武鄉之洪水村非也

先屬泣氏後屬屯留此西關也魏寄氏縣有上黨谷

案是摩訶嶺袁宇記所謂西登奚斯巨嶺以達河東者亦即盤秀谷在良馬鎮東邊寨鎮西南一

百里岳陽界路通平陽明萬厯二十九年屯留縣請於

鎮設防守以主簿駐劄巡綽平順縣井壩一作井壩明

嘉靖七年巨盜陳卿據青羊山為亂官軍首攻奪井壩

賊悉弔險奮擊大破之追奔至莎草嶺毀平諸巢張仲

賢新建潞安府記改州治為府青羊村為縣相地攸宜

立玉峽虹梯關者二花園口魯般壑井壩等堡者三磻

磬峰玉斗崖白雲谷巡檢司三

案魯般壑井壩今并屬潞城縣三巡司舊志

不詳漳義隘口在侯壁里兩山峭立中有石壑漳水經
流達河南昔名漳義關馬踏隘口在豆口里萬山拱峙

中有小徑通涉縣一名馬踏關

二隘皆舊平順縣地

澤州府志鳳臺縣地形志陽阿有武斬關

後魏建興郡治陽阿縣關

當在鳳臺陽城界

將軍裴宋岳飛爲張所部將從王彥渡河擊

金人至新鄉金兵盛彥畏不敢進飛獨引所部鏖戰遂

復新鄉引兵益北戰於太行山擒金將拓拔邪烏數日

復遇敵單騎持丈八鐵鎗刺殺黑風大王又大敗金人

於沁水時太行忠義社梁興等百餘人慕飛義率眾來

歸飛遣興招結兩河豪傑山砦韋銓等期日興兵會王

師進討揭旗皆以岳爲號父老百姓爭挽牛車以餽義

軍自燕以南金號令不行中原響應咸築砦以待飛至

柳樹店由鐵樞山西十八盤至柳樹店又東北至陵川

奪太店明崇禎五年流賊紫金梁老回回等在河北修

武爲官兵追剿遂入太行自柳樹口至陵川南馬附城

蔓延長治壺關等處卽丹水所經之柳樹監也詳上丹谷高平縣石壁關

在縣東二十里魏莊西大石坡營房嶺在城東十里傳

爲廉頗屯軍之所背峰面澤有險可憑去頗百餘步有

古戰場方輿勝覽四面皆山中有平地曰高平陽城縣傅齊嶺在縣西北

七十里沁水縣界北史周建州刺史楊標鎮車箱高歡

令侯景趣傅齊嶺標恐其入寇邵郡率騎禦之景聞標

至大恐所木斷道六十里猶驚恐不安遂還河陽案車箱城

在絳陵川縣王莽臺縣東南一百二十里輝縣界晉疆

東南極境馬武砦縣東五十里馬武山周圍百里四

壁峭立漢馬武築砦屯兵於此東至河南輝縣石門店

至輝縣治一百二十餘里金興定四年上黨公張開駐

兵馬武山九仙臺縣西南七十里石臺突起高數十丈

上廣下狹攀援而上南九十里即修武界順治六年七

月潞安賊沈烈郭天佑奔往九仙臺

志又有秦嶺在縣西三十里接長治

之西沁水縣武安嶺縣東一百三十五里秦白起屯兵

於此故壘尚存寶莊寨縣東一百里檣山下臥牛山東

爲文筆峰又東數里三峰並立而寶莊在其下堡東濱

沁河明天啟時張忠烈銓父五典築寨崇禎七年賊入

沁水犯寶莊銓妻翟氏躬率僮僕守禦矢石並發賊傷

甚眾越四日乃退兵備道王肇生表其堡曰夫人城

郭堡附見舊志者凡潞屬五十二處澤屬三十九處

舊通志長治縣十七鎮堡

韓店鎮明洪武元年元兵敗

東南十里

蘇店堡

南十五里

角治村堡

西北二里餘

高河鎮

柳店鎮 八義鎮 東火鎮 師莊鎮 玉坊鎮 西大鎮 桑梓鎮 長子

縣五鎮 石哲鎮 西四里 南呈鎮 鎮東南 見前 屯

留縣十鎮 寨中村 寨西八里 廟北 西五十里 寨西

東北二十里 苗岳鎮 在余吾鎮北 二十里 義鎮 在苗岳鎮南

十五里 苗岳鎮 在余吾鎮北 二十里 義鎮 在苗岳鎮南

余吾鎮 在苗岳鎮南 二十里 義鎮 在苗岳鎮南

通鎮 北四十里 通沁州 武鄉界 長隆鎮 三十里 通遼州

見路城縣五鎮 神頭鎮 在縣東 西微子嶺 黃鎮 在縣南

黎城縣六鎮 寨南 年邪紅 一百里 通遼州 大原 明崇禎

鎮西南三十里 通襄垣 沁州 西井鎮 堡南 西井 通遼州

安里九龍山 寨南 西井鎮 堡南 西井 通遼州

堡東北二十里 古關鎮 壺關縣 三堡寨 崇賢堡 周東

辛村寨 周里 古關鎮 壺關縣 三堡寨 崇賢堡 周東

牛寨 周里 古關鎮 壺關縣 三堡寨 崇賢堡 周東

接高平 有河底 天井關 北山至河底 路漸平 高平縣

接陵川 有河底 天井關 北山至河底 路漸平 高平縣

接陵川 有河底 天井關 北山至河底 路漸平 高平縣

接陵川 有河底 天井關 北山至河底 路漸平 高平縣

接陵川 有河底 天井關 北山至河底 路漸平 高平縣

接陵川 有河底 天井關 北山至河底 路漸平 高平縣

十一鎮堡	光山鎮堡	東十里	馬村鎮堡	西三十里
換馬鎮堡	周鎮堡	北四十里	寺莊鎮堡	北二十里
鎮堡	南三十里	王井堡	南十里	趙莊堡
建寧鎮堡	東四十里	陽城縣	十二寨堡	麻坡寨堡
唐安鎮堡	西三十里	石壁堡	百丈有奇	而王村堡
有蒸餹洞	在山南	石壁堡	百丈有奇	而王村堡
下孔堡	北留堡	明崇禎五年	客將吳開先	敗死於此
武安南	屯城北	三十五里	秦白起置兵	於沁河濱
堡王曲堡	美陵川縣	五鎮	附城鎮	南四十里
泉堡	北安陽堡	陵川縣	五鎮	附城鎮
鎮堡	沁水縣	七鎮	界公嶺	西北二十里
城鎮	倪村	東北一百九十里	白起屯兵	於此
里西倪村	東北一百九十里	白起屯兵	於此	郭壁鎮
東一百三里	沁河濱	有南		
若北砦	端氏砦	見前		

津梁潞屬漳河渡一在長治縣之漳澤鋪一在襄垣縣之東

王莊一在黎城縣之趙店鎮韓店橋洵清橋邵金橋通晉橋

石子橋龍泉橋在長治縣藍水橋雍水橋喜陽橋雙濟橋固

益橋東裏橋在長子縣良馬橋青苗橋積石橋讓功橋仙濟
橋通沁橋濟眾橋鷄鳴橋雙輔橋太平橋雙龍橋麟陽橋在
屯留縣廐亭橋夏店橋南營橋太平橋永惠橋市橋天城橋
四圍橋在襄垣縣鳳樓橋微子橋潞河橋西平橋在潞城縣
吾兒峪橋峪口橋漢跋橋田溪橋疏嵐橋鳳凰橋石橋天橋
通濟橋在黎城縣進德橋太平橋龍溪橋合峪橋陡溝橋黃
山橋觀光橋大安橋玉帶橋落絲橋柏橋金龍橋樂善橋秦
公橋修善橋德風橋神掌橋川底橋西平橋常平橋崇賢橋
雙橋斷筋橋太平橋荆掌橋鸞翔橋鳳源橋綠楊橋朱堡橋
清源橋龍尾橋棧道橋仙人橋豎梯橋在壺關縣

澤屬沁河渡沁水縣六處陽城縣三處晉南第一橋景忠橋
景德橋通懷橋雙橋長橋常澗橋通濟橋雙李橋七嶺橋五

龍橋萬年橋在鳳臺縣迎恩橋集賢橋龍溪橋浚水橋通濟橋橫澗橋換馬橋老金橋周纂橋許河橋崇正橋范公橋穿楊橋在高平縣東冶橋西冶橋寶帶橋通濟橋西關橋吉莊橋通驛橋觀音橋在陽城縣通文橋獅頭橋武昌橋蒲水橋六合橋永利橋南馬橋在陵川縣何公橋永濟橋石柱橋固鎮橋廣王溝橋迎福橋在沁水縣

長治縣志漳澤鋪縣西十五里永濟橋在縣南韓店宋宣和時建元重修明萬厯間又修有高朴記洵清橋縣南洵清河上明嘉靖時建邵金橋在南關二里山水河上通晉橋在西關二里故城水上石子河橋在北關外明萬厯四十五年僧妙光修龍泉橋在南關一里

詳古蹟

金橋久湮

長子縣志藍水橋縣北三十里明洪武二十六年縣丞
馮道古建雍水橋縣北一里同時建喜陽橋縣西南二
十里窟陰溝中河西村後雙濟橋在鮑店張莊鋪固益
橋在縣南青仁莊東襄二橋在縣東

屯留縣志良馬橋縣西南八十里邊寨鎮西通河東路
青苗橋西南二十里鷄鳴河上康熙五年重建積石橋
西二十四里積石河上元至正十五年建仙濟橋東北
二十里上村鎮通沁橋在西門外濟眾橋縣南下李高
村鷄鳴橋縣東二十里鳴水村並乾隆十四年建雙輔
橋縣西四十里許陳村東西各一乾隆十年建太平橋
縣南七十五里荒草溝通平陽咸豐九年建雙龍橋縣
西三十里許西村東西兩橋相距數十步道光七年重

修麟陽橋縣西北二十五里許陽寨凡三橋南橋距中
橋里許中橋距北橋三里許當三巘山峽爲西北要道
襄垣縣志東王橋往來通衢橫搭橋梁上王原莊兩村
輪流經理漳河浮橋也在縣東南十里原亭橋縣西北六十里夏店
橋縣西四十里明成化間建又永利橋道光四年建永
濟橋乾隆五十四年建亦在夏店南營橋西北四十里
瓷窰村北相傳石勒時建太平橋在紫岩寺東宋天聖
二年建永惠橋在北門外甘水上金天會間建光緒二
年重修市橋在故城先天觀後天成橋在輕城口同治
二年重修四圍橋縣西南四十里石泉村康熙四十六
年知縣袁良建

潞城縣志鳳棲橋縣東十五里馮村元至正間建後子

橋縣東北五十里微子鎮西平橋在東莊村又潞河橋在縣北潞

河上明嘉靖中勅建二年始成後爲水衝沒案潞河卽漳水對岸爲黎城越店渡

黎城縣志漳河渡縣南二十里在趙店鎮有浮橋吾兒峪橋縣

東北三十里清漳水經其下通涉縣峪口橋東北十五

里通古關漢跋橋縣西十里斷岸百尺數年始成田溪

橋在北關鳳凰橋在辛村天橋在石灰里北澗水東流

通濟橋在王曲里知縣楊文獻建

壺關縣志進德橋在北門外元延祐六年縣尉宋賽因

不花建明宏治初義民閭子昇修太平橋在南門外宏

治初義民郭榮建龍溪橋縣西北二里元至元二年建

合峪橋明正德癸酉鄉民李思恭建陡溝橋在縣南三

十里黃山橋在黃山村知縣朱輔建觀光橋在柏林大

安橋在縣南通紫園鄉及陵川玉帶橋在南關外康熙二十年建乾隆二十一年修藏龍橋在大覺寺西落絲橋在遷善里因水細故名通府城龍騰橋在新興里柏橋在遷善里以柏木結構而成金龍橋在辛村樂善橋在下內村耆民秦學珍建秦公橋一在石店一在店坡並秦學珍建通便橋卜通橋並在修善村德風橋在程村神掌橋在馬駒村嘉慶二十五年易士爲石上建文昌閣川底橋在川底村西平橋在東莊村永濟橋在常平村崇賢橋縣東二十里同治八年重修雙橋縣東二十里固店村斷筋橋在桃園梯山徑絕壁間融鐵爲柱鋪石其上太平橋縣南六十里程頭村道通陵川橋廣丈長三倍之乃獨石橫亘澗中人鑿以醺水者荆掌橋

在東韓村道光十四年修鸞翔橋縣南四十里西柏林
綠楊橋縣南禾登村朱堡橋縣南十五里並同治十三
年修清源橋縣南芳岱村道光二十五年村秦姓建龍
尾橋縣南大會村東西各築土橋咸豐九年改砌以石
棧道橋縣東南河交口晉豫孔道橋五處悉鑿崖貫以
鐵柱砌石爲棧仙人橋縣東南百里七里棧之西豎梯
橋縣南百三十里地名橋上有大橋三小橋二悉駕石
絕壑以通行旅者同治四年修

鳳臺縣志晉南第一橋在南關跨白水上嘉靖甲辰重
修景忠橋在東關元至正年建乾隆四十八年重修
景德橋一名沁陽橋金大定明間建明成化年圯通懷橋縣南小箕村雙橋縣
北十五里雙溝上長橋縣西周村鎮常潤橋縣東三里

通濟橋縣西北大陽鎮雙李橋縣東北巴公原七嶺橋
縣東十里明成化六年重建五龍山橋在洞陽山東萬
年橋縣東北三十五里高都鎮丹水上乾隆四十八年
建

高平縣志迎恩橋在東關丹水上

丹水舊有浮雲橋在城西北圯

集賢

橋在縣治前順治十年邑人張鑒建龍溪橋在龍泉里

北浚水橋在西關明萬厯元年知縣李禎建通濟橋縣

南二十里晉豫孔道明建雍正十年修橫澗橋縣南三

里永濟橋縣東換馬嶺宏治四年建

又換馬鎮北亦有橋

老金橋

縣南十五里喬村驛驛丞金某建迎恩橋在周纂鎮有

百子橋又西周纂有廣惠橋

許河橋縣南二十里水村河上崇正橋

在唐莊梨園兩村間范公橋在城南順治十五年知縣

范承祖建穿陽橋在石末村

陽城縣志河頭津王村津劉善津並縣東二十里沁河

官渡

又縣東四十里有閘家津居人自設舟梁

東冶石橋乾隆三十九年移

建西冶石橋乾隆三十年建名鎖雲橋桑林水經其下

寶帶橋在東郭青林河上乾隆初建四十一年修通濟

石橋在東城外明建嘉慶二十五年道光二十年咸豐

七年迭經頽塌並即修復西關石橋在總舖東吉莊石

橋在水磨頭東明崇禎中贈學士白所蘊建通驛石橋

在下孔村東觀音石橋在柵村東

又城東二十里有小石橋王曲村澤城村

並有土橋

陵川縣志通文橋在城外東南隅金時有孔廟故名神

頭橋城東三里武昌橋在香磨河因橋側山有武昌口

而名蒲水橋城北二十里六合橋在三道河西永利橋
城西十五里魯山村通濟橋在南馬鎮西

沁水縣志鄭莊東五里賽莊東一百里劉莊東一百里武安東一百里

里韓王東八里王壁北七里夏有渡船冬架浮橋俱係民設永濟

橋汪公嶺西乾隆二十七年知縣吳伸修石柱溝石橋

一廣王溝石橋一固鎮石橋二今存一縣西三十里迎福橋

富店鎮南縣東二十里

右潞澤二府

關梁考六

考三之六

山西通志第四十九

賜進士出身頭品頂戴都侍郎兼都察院右副都御史巡撫山西提督軍務臣張曜等
旨監修

河東道屬地

平陽北路 霍州屬

平陽西路 隰州屬

平陽南路 絳解蒲三府州屬

河東大郡首推平陽號爲南鎮形勢與太原相表裏而以霍山爲吭背自霍而西控大河者爲吉陽亦謂之西山自霍而東連太行者爲鄆嶺亦謂之東山若絳若解若蒲則襟跨中條直抵南河悉古所謂岳陽也今志始霍州爲平陽北路次西次東而終於蒲爲全晉西南盡境河東州縣故嘗屬平陽而關戍悉鎮軍所分轄也故得以平陽南路統之

禹貢雖指岳陽就附近山南者言之則爲岳陽趙城二縣然經之所指不止二縣楊雄冀州牧箴曰岳陽是都則平

陽亦岳陽

又云岳陽凡太岳以南皆是其地直抵南河

方輿紀要平陽東連上黨西略黃河南通汴洛北阻晉陽
宰孔所云景霍以爲城而子犯所謂表裏山河者也霍州
據山川之勝爲扼要之所爭衡於太原平陽固未有不以
州爲孔道者

冷泉關雀鼠谷之北口也亦曰靈石口在靈石縣北四十五
里韓侯嶺古高壁也在縣南二十五里當嶺有郭家溝其南
爲逍遙嶺在霍州界曰北坡曰南坡並州近隘

明史地理志靈石縣北有靈石口巡檢司

縣志洪武八年置於冷泉嶺今

方輿紀要高壁嶺亦名韓信嶺最爲險固北與雀鼠谷接
後周建德五年齊師敗於晉州高阿那肱退守高壁周主

向高壁阿那肱退走隋仁壽末漢王諒舉兵并州楊素
之諒遣其將趙子開擁眾十萬柵絕徑路據高壁布陳五
十里素令諸將以兵臨之自引兵潛入霍山絳崖谷而進
營於谷口馳出子開之北子開大敗唐武德二年秦王追
朱金剛將尋相及於呂州乘勝逐北一晝夜行二百餘里
戰數十合至高壁嶺是也志云嶺在霍州北八十里

舊通志冷泉關古川口也關外迤北皆平原曠野而入

關則左山右河中通一線實南北咽喉要地自介休義

棠鎮南至靈石陰地關賈胡堡皆古雀鼠谷水經注所

謂數十里間道隘者也案關距義棠鎮二十里明沈

冷泉失守汾霍動搖又云萬厯甲午改汾州為府靈石

隸焉冷泉無守而平陽之門戶撤越二十年襄陵吏部

給事中李瑾上封事直陳冷泉為平陽郭家溝縣南二

鎮鎬上可其議於是平陽有靈石如故

十五里兩山高峙中界深溝明嘉靖己酉平陽知府聶
豹築臺起樓於溝南題曰天險並建官廳三間及審洞
數十以宿防禦官軍逍遙嶺縣南五十里霍州界北坡
在州北十里案坡上卽鳳樓嶺也十五里有馬村汛又
晉鼎疏留回牛原
樓嶺諸隘戍卒者南坡州南十五里通典隋末高祖起
兵自太原至霍邑隋將宋老生守城開門出兵背城列
陣高祖以中軍與建成合陳於城東太宗陣於城南老
生麾兵疾進中軍與左軍咸卻太宗自南原遙見塵起
率二百騎馳下峻坂殺一賊將遂衝斷其軍出其陣後
表裏齊譟隋師大敗遂擒老生而平霍邑國漢壇底嶺
東爲南路坡兩阜夾峙地據衝要案寰
宇記昌坂在霍邑南十里當卽南坂也

之說方者水頭鎮有營仁義鎮有驛有巡檢司並在霍

石縣

舊通志冷泉關營剗駐靈石縣水頭鎮

在縣北五里今設千總

靈石縣志仁義鎮巡檢司乾隆二十八年設

在縣南四十里

故戍在府屬者臨汾縣有高粱城天井鎮洪洞縣有洪洞鎮在霍屬者州有千里徑雞栖原回牛嶺鳳棲鎮靈石縣有汾水關陰地關賈胡堡陽涼南關陽涼北關

寢宇記高粱城在臨汾縣東北三十七里天井在縣北五

十里

案當作三十里

汾水東前趙錄曰劉元海元熙元年晉將軍

曹佃襲趙平虜卜休於天井逆戰滅之卽此城洪洞城在

洪洞縣北六里後魏鎮城也姚最行記曰周建德五年從

行討齊師次洪洞百雉相臨四周重複控據要險城主張

元靜率所部肉袒軍門卽此也賈胡堡在靈石縣南三十

五里義甯元年義師次於霍邑隋將宋金剛案當作宋老生拒不得進屯軍賈胡堡

方輿紀要周建德五年齊主圍平陽周主自將救之高阿

那肱以周師大集議堅壁勿戰卻守高粱橋既而兩軍合

戰齊主奔高粱橋遂北走橋蓋以故城名也

案橋在府北十里高河鋪

千里徑州東十里

州志云三十里今有土橋遺蹟

後魏平陽太守封子繪

所開之徑也爲北出汾州徑指太原之道

說詳山川下

雞栖原

州東北三十里霍山高平處也北齊末周主克晉州宇文

憲進克永安齊人焚橋守險軍不得進憲使宇文椿屯雞

栖原伐柏爲菴以立營齊主聞平陽陷乃自晉陽分軍向

千里徑又分軍出汾水關自率大軍上雞栖原周人引還

是也

案此道與回牛嶺皆在今驛路之東

汾水關在靈石縣西南見括地志

又唐志縣有長甯關

靈石縣志陰地關縣西南五十里卽南關鎮唐宋以來

雄關橫亘今廢遺址尙存宋地理志靈石有陽涼南關

陽涼北關

案南關蓋陰地關北關蓋冷泉關也並在唐汾東明統志云在縣南二十里汾水西

大順元年招討制置使張濟討李克用出陰地關十一

月濟師大敗於陰地及副使韓建遁歸天復元年四月

汴將侯言出陰地關以攻晉取汾州晉李嗣昭復取汾

州斬李塘遂出陰地取慈州又取隰州梁開平二年晉

周德威李嗣昭將兵三萬出陰地關攻晉州貞明元年

梁同州節度使王檀謂晉兵悉在河北以奇兵出陰地

襲太原不克而還周顯德初命河中節度使王彥超自

陰地關與符彥卿會兵圍汾州宋建隆元年太祖征李

筠詔建雄軍節度使楊廷璋率所部入陰地分賊勢元
天厯初令陰地關穿堊壘石以爲固

舊通志回牛嶺在州東北鳳棲嶺在州北元張藻梁秉
鈞墓碑己卯按察那延總軍與公南向征伐由回牛鳳
棲二嶺遂下平陽霍州晉潞沁等數十餘城

霍州志自介休義棠驛南至靈石陰地關皆古雀鼠谷
也蓋縣南五里汾水折而西爲古驛路沿河西行二十
里至許家店河北爲夏門鎮又七八里至照北灘卽雀
鼠谷地也又南十里至魯般延又二十里至南關鎮又
二十里至石茨村入州界路漸平又二十里至州相傳
明季因河患改今路

謹案汾水入雀鼠谷經靈石霍州皆曲行兩山間水

以前并汾州治均在汾西故南出之道入雀鼠谷必
傍西山而行至高壁鎮始渡汾循霍山之麓以達於
陰地關據唐蕭珙高壁鎮通濟橋碑記鎮卽今照碑
灘也與賈胡堡並在汾西以當高壁嶺故與嶺同名
陰地關今南關鎮也與汾水關陽涼南關當是一地
在汾東陽涼疑本字爲楊涼錄隋漢王諒
兩名如天門關之稱楊廣道也汾入雀鼠
谷約七十里折而西流則其地亦在汾南也今驛道
旣改故址久廢明一統志遂謂關在汾西距縣二十
里方輿紀要謂距縣百二十里舊志謂卽仁義驛皆
臆度也

鄉堡附見舊志者凡府屬十二處霍屬四十二處

舊通志臨汾縣六鎮堡

吳村鎮西北二十里 劉村鎮
西二十里 泊莊鎮西十五里

汾河渡府周臨汾縣三處洪洞縣六處霍屬州一處靈石縣
七處趙城縣三處

津梁府屬永利橋公濟橋金店橋雲津橋三氏橋吳村橋土
門橋永利橋兩流橋翠微橋下寨橋鳳凰橋在臨汾縣惠遠
橋聚瑞橋羊獬橋大石橋普濟橋萬善橋準提橋青石橋通
泰橋宏濟橋兆豐橋濟旅橋在洪洞縣霍屬鳳棲橋鄭家溝
橋安濟橋在州天險橋兩渡橋梁家橋通濟橋曾氏橋張家
峪橋索洲橋燕家園橋南閼橋在靈石縣自兩渡以下皆汾
河石橋也國士橋永利橋通惠橋青石橋關神橋平政橋大
澗橋小澗橋在趙城縣

臨汾縣志西橋渡在城西門外二里有官船官橋嘉泉

渡吳村渡並在城西

吳村在城西
北二十里

公濟橋在城北五里

卽高河橋明建乾隆年修金店橋在城西二十五里元
大厯二年邑民石城修雲津橋在城西南二十五里平
水祠前三氏橋在北關外明嘉靖間典史解廷玉生員
陳道中續孟初三人建故名吳村橋在城北二十五里
明宏治間建土門石橋在城西北三十里永濟橋在康
莊長十六丈雍正間莊民梁國用等建兩流橋在姑射
山石盤之東山水漲發上下分流以資灌溉翠微橋在
峪裏村下寨橋在城東北二十里鳳凰橋在金殿鎮
洪洞縣志汾川橋在縣西二里樹椿架木冬建夏拆後
廣而爲三縣漢院一公孫堡一壩頭一李家莊縣西三里屯裏縣西五里洪段
村縣西南八里公孫堡縣西南三里李村縣西南十五里並有渡惠遠橋
在官莊西南金大德二年建上砌爲渠引小霍渠水南

流直達橋下俗稱橋上水水上橋者聚瑞橋在縣大南門外澗水上康熙五十七年邑紳劉誌劉鎮同建長百餘丈下爲洞二十四雍正以來屢次重修咸豐中衝決十一洞近年益圯羊獬橋在羊獬村南澗水徑其下明萬厯元年建長十五丈有奇大石橋在公孫堡北澗水徑其下橋上石砌爲渠引通利渠水南流普濟橋在南洪段村長約三十丈康熙間建萬善橋在東梁村嘉慶十三年修準提橋在西梁村乾隆三十三年建皆北澗水所經青石橋在萬安鎮西三里許通泰橋在婁山西長約三十餘丈爲赴陝道路故名宏濟橋在馮堡村西明嘉靖十二年建兆豐橋在茹去里西雍正七年建光緒六年修濟旅橋在茹去里東爲趙城岳陽兩縣往來

通衢乾隆四年建

霍州志汾河渡浮橋卽西橋嘉慶二十五年創建南橋
初名安濟橋乾隆四十六年建嘉慶四年修北橋卽鳳
棲橋元初建乾隆六年修鄭家溝橋卽通濟橋在州南
五里明建康熙乾隆間繼修嘉慶二十二年與南北二
橋同修

靈石縣志汾水經流冷泉鎮河洲軍營房張村並設渡
船夏門石曲及縣北門外並設浮橋天險橋卽惠濟橋
縣南郭家溝上明嘉靖七年知縣蕭騰漢建木橋萬歷
二年知縣白夏易輒石兩渡橋在曹村里梁家圪塔橋
在村東通濟橋在高壁鎮曾氏橋在陰地關張家峪橋
在村南索洲橋在索洲鎮西南燕家園橋在小水鎮西

南南關橋在南關

趙城縣志汾河有穉村渡在縣西北二里好義渡縣西
一里石止渡縣西南二十五里國士橋卽豫讓橋縣南
十八里下紀落村明建康熙乾隆間屢修永利橋縣北
二十里益昌舖康熙十年修高二丈闊三丈長十餘丈
上有欄楯皆石爲之青石橋縣北五里窰子鎮明嘉靖
四年知縣賀國定建永利橋亦通惠橋亦在窰子鎮康熙中重修關神橋縣東南四十里廣勝寺西糧泉上平
政橋在廣勝寺前下有鐵柱十一拱趙兩邑分水處也
上覆以亭大潤橋在縣北一里乾隆三十一年知縣余
丙建小潤橋亦在縣北縣西北十五里舊有莊裏橋縣南三里舊有清甯橋又南二十

里有屈項
橋今並圯

右平陽北路及霍州屬

平陽以西介河汾間者山腹州縣謂之七西處

烏門關在隰州北一百里有鎮名石口或以爲古石阿也今設釐卡關道北抵溫泉通孝義東達靈石有大麥郊回龍鎮諸汛其在州西北者曰蓬門汛通永和東南者曰義泉汛通汾西而倂城鎮界大甯蒲縣間爲南出之衝

舊通志由州東北行六十里爲橫水橋萬山之水胥匯

於此又行水石間至石口子關東北道石峽達大麥郊

以達靈石東道石峽達康城以達汾西

案大麥郊達孝義爲入省孔道

石口一名烏門關元致和元年九月關門關穿壑壘石

史記趙成侯時秦攻魏趙救之石阿正義曰蓋在石隰

等州界也溫泉故縣州北二百里

案今溫泉鎮本唐縣志云高唐山以東

南溫泉也隸州山以大麥郊州北一百八十里回龍鎮

北北溫泉也隸孝義州北二百里義門村州西北二十里

州北二百里義泉鎮州東南四十里什城鎮州南六十

里西北東川河西南關川河東北蒲縣河東南大雷河

晉匯於鎮東橋下本後魏伍城郡址金爲什城鎮興定

五年升縣在蒲縣西北六十三里吉州北一百六十里

黑龍關在蒲縣東南六十里道通臨汾之分水嶺隸陽州營

三官峪在鄉甯縣東一百里道通太平之故城關隸吉州營

爲二州東出之衝途

舊通志蒲縣黑龍關南北依山中通綫徑爲平陽府要

路舊建土城東西二門設巡檢司明崇禎時設防禦把

總西二十里爲化樂鎮東十里爲張村岔山險少行人

張村岔東南二十里爲臨汾縣分水舖三官峪甯鄉縣

東四十五里由城底至峪口太平古城在今縣北二十

五里故城鎮其北即古太平關也

鎮成廣武鎮有巡檢司在隰州張村岔有營汛在蒲縣

明史地理志隰州東北有廣武莊巡檢司在州東北蒲縣

東南有張村岔巡檢司臨汾縣西八十五里距黑龍關十里把總駐之巡檢久裁

黃河隘口龍王延即壺口也在吉州西七十里石鼻崖或以

為龍尾磧也在鄉甯縣西八十里並設釐卡

明史地理志鄉甯縣西有龍尾磧巡檢司

方輿紀要禹貢既載壺口是也東魏初高歡自壺口趨蒲

津擊宇文泰隋末唐高祖自龍門進軍壺口河濱之民獻

州者以百數詳山川考

鄉甯縣志堡城在石壁村石基微存或謂古設巡檢司

於龍尾磧疑卽此

在縣西八十里舊通志名石鼻崖俗書爲石皮

故戍在府屬者汾西縣有申村堡青山寨鄉甯縣有兩乳谷秦王嶺馬頭關柏谷城石梯城龍尾磧吉州有慈烏戍文侯鎮雲臺郊姚襄城牛心寨烏仁關在隰屬者州有姚岳城橫城水頭寨大甯縣有南寨永和縣有雙山寨樓山寨

方輿紀要汾西縣隋末陷於賊唐武德初權於今城南五

十里申村堡置縣青山在縣西六十里天寶六年勅改爲

汾西山

宋史地理志汾西縣有厚育青山石橋青山邊柏五里康熙中知縣蔣鳴龍建高甯堡自記兩乳山鄉甯

云蒲陽通衢姑射爲要蓋卽青山之故蹟矣

縣西南七十里亦名兩乳嶺五代唐清泰三年張敬達討

石敬瑭兵敗困於晉安寨詔遣耀州將潘環將蒲同以西

戍兵由晉絳兩乳嶺出慈隰共救之卽此

案又名兩乳谷北史周齊王憲

入自兩倚梯城在龍門上口壘石爲之東北高據峻嶺西

南俯臨黃河懸崖絕壁百有餘丈以其險絕非梯莫上因

名案今梯子崖在縣西南百十里顧氏入之龍尾磧縣西

一百里志云東結冰橋路通韓城洪武二年置巡司戍守

慈烏戍在吉州西周齊相爭時置戍於此唐改南汾州爲

慈州以近戍故也姚襄城州西五十二里襄爲桓溫所敗

走平陽時所築後人因名城周五里高二丈杜佑曰姚襄

城西臨黃河控帶龍門實爲險峻爲周齊交爭之處周天

和五年宇文護使郭榮築城於姚襄城定陽城西旣而齊

人取汾州及姚襄城惟郭榮所築城獨存牛心寨在州北

金末僞置吉州於牛心寨蒙古將木華黎自隰州攻拔之

烏仁關州西七十里下臨黃河明有巡司戍守關說蝦蟇

雖山頂舊

有石壘寬平約三畝蓋卽關址姚岳城在隰州東北周保定初勦州刺史韋孝寬以離石南生胡數爲寇抄而居齊境不可誅討欲築城於險要以拒之使別將姚岳董其役曰計此城十日可畢此距晉州四百里敵至我之城辦矣果城之而還後人因謂之姚岳城橫城在州南三十五里隋漢王諒起兵太原遣其將吳子通屯兵築城橫斷隰川之道因名白壁寨在州北宋志溫泉縣有水頭白壁先鋒三寨溫泉鎮在里孝義界水頭在鎮西北接石樓界南北寨在縣南北去白壁疑近孝義之白壁關先鋒未詳南北寨在縣南北去城各一里元末右丞時公權院使李子厚置此戍守寨北浮圖鎮卽今縣城所倚者

舊通志雙柏樸峪在鄉甯縣西南齊天保十年晉州刺史斛律光斬周府曹迴公於柏谷城主儀同薛禹生棄

城遁遂取文侯鎮立戍置柵而還

案縣志謂雙柏模峪今無其名柏谷地當

屬縣文侯鎮則在吉州

秦王嶺在吉州界元致和元年秦王嶺馬

頭二關穿塹墨石

馬頭關卽馬壁峪在縣南九十里

雲臺郊在吉州東

五十里卽雲臺山後魏肅宗時汾州吐京郡胡薛羽等

作亂以中散大夫裴良爲西北道行臺值別將李德龍

爲羽所破良入汾州與刺史汝陰王景和及德龍率兵

數千憑城自守併力攻逼詔遣行臺裴延儁大都督章

武王融都督宗正珍孫等赴援時有五城郡山胡馮宜

都賀悅回成等以妖妄惑眾假稱尊號服素服持白紬

白幡率諸逆眾於雲臺郊抗拒王師融與戰敗績賊乘

勢圍城良率將士出戰大破之陣斬回成復誘導諸賊

令所送宜都首又正光末汾州吐京郡胡薛悉公馬牒

曆並自立爲王聚黨作逆眾至數萬詔聞喜裴慶孫爲募人別將招率鄉豪得戰士數千人以討之胡屈來逆戰慶孫身先士卒每摧其鋒遂深入雲臺郊諸賊更相連結大戰郊西自旦至夕慶孫身自突陣賊王闕郭康兒眾大潰案汾州卽今隰州雙山寨在永和縣東二十里天生雙壁如城中通一道峰巔石磴玲瓏自陝西至平陽由此樓山寨縣南六十里有石城明季築

鄉堡附見舊志者凡府屬三十二處隸屬四十一處

舊通志汾西縣十八鎮堡高甯堡見前克城西南七

在東后頭墩在東南連村墩在東通仁義驛神符堡

南頭乾河堡在東南團柏堡在南伏牛堡在西

西北風吹嶺在西南對竹堡在北王提堡在

東北通靈石就香鎮鳳

頭鎮水洞鎮僧念鎮在南鄉甯縣五鎮堡萬歲堡在西北

劉壘鎮北四十里	岔口鎮北四十里	甯西七十里	甯南七十里	縣十一鎮寨雙山寨石樓寨見前大寨西三十里	十里鳳落寨南四十里高寨在孔山巖三	馮寨東五里南堡寨南三十里	甯縣十寨堡阜城寨西五十里	薛園鎮西二十里喬家灣鎮東七十里通臨襄洪趙	白家莊在南公峪鎮西北七十里通臨襄洪趙	鎮堡義莊東南九十里辛莊鎮東北一百里	州但頭里諸眞堡張家川堡東九十	莊北四十里有汛口子見前三垢鎮	義泉鎮木頭鎮石口大度鎮白楊堡	村堡桃源鎮趙家堡登寨北六十	百里一吉州九寨堡級以登寨北六十	河岸一吉州九寨堡級以登寨北六十	官水鎮東南九十里西坡鎮西南七十	據高嶺西南畋黃河絕壁百餘丈營裏鎮東十里
---------	---------	-------	-------	---------------------	------------------	--------------	--------------	----------------------	--------------------	-------------------	----------------	----------------	----------------	---------------	-----------------	-----------------	-----------------	---------------------

黃河津渡在永和縣者曰永和關通延川曰興德關鐵羅門
許家嘴渡佛灘渡通宜川在大甯縣者曰馬關關在吉州者
曰平渡關馮家集馬糞灘七郎窩小船窩蝦蟆灘並通宜川
在鄉甯者曰師家灘船窩鎮並通韓城

舊通志永和關永和縣西七十里渡河卽延安府延川

縣延綏關

一云延水

明洪武六年置巡檢司萬厯時設營兵

崇禎時西賊賀金龍翻山洞據延綏關隔河對永和關

復益兵五朝志永和有關官

亦見唐志金志

宋韓絳安撫秦晉

將所取囉兀城令河東發兵二萬趨神堂新路知太原

府呂公弼曰寇必設伏以待我永和關雖回遠可安行

無患乃由永和旣而新路拔兵果遇伏詔褒之興德關

縣西六十里有渡路通延安府鐵羅關縣西南七十里

有渡路通宜川縣

圖說興德縣南十里有許家渡又

其西南有老

牛灘在河中馬關關大甯縣西七十五里唐置明洪武

二年設舟渡通榆林延綏諸路舊有巡檢司今裁

唐志西有

馬關

平渡關吉州西北一百二十里下臨黃河洪武六

年置巡檢司明一統志關在州西七十里

圖說平渡關南至李兒坡

十里距州七十里又南十里曰馮家集又十五里曰馬

義灘又十五里至龍王延舟過馬義灘後當陸行以避

壺口之險龍王延南二十里曰七郎窩鄉甯縣黃河隘

又十里曰小船窩又十五里曰蝦蟆窩口縣西一百里香鑪崖南至師家灘二十里又南至石

鼻崖二十里又南至李家集二十里又南至船窩鎮三

里

明末闖賊自此渡

船窩鎮南至高石崖五里又南至橋子溝

二里又南至乾柴坡二里又南河津縣禹門渡三十里

韓梁府屬汾河石橋水潤橋在汾西縣惠民橋永甯橋土門

橋在鄉甯縣淇水橋東河橋小水橋旱水橋在吉州隰屬橫
河橋蒲川橋賀家橋曹成橋官道橋永濟橋龍泉橋趙善橋
在州境荷葉橋麻東橋龍泉橋上石橋下石橋茨梅橋馮村
橋在大甯縣義橋在永和縣

平陽府志汾西縣師家莊石橋在縣東南師家莊東西
跨汾河袤四十五丈廣二丈二尺十七洞康熙六十年
建通濟橋在縣南小潤鎮鄉甯縣惠民橋在西關外明
萬厯中知縣焦守已建永甯橋在舊城門外吉州淇水
橋在州宣化坊西下有淇水穿城入河東河橋在州東
小水橋在長甯門外旱水橋在北關

志有龍門飛橋在
壺口石峽山元時

建後

隰州志橫河橋州北六十里萬山之水會聚於此通濟

橋州南三十里蒲水上賀家橋南十五里南峪村曹城
橋州南十五里官道橋州北二十里蓬門村永濟橋州
東門外明宏治初知州王彝建龍泉橋州南三里趙善
橋州西千佛巷下

大甯縣志荷葉橋縣西荷葉溝口麻東橋縣東麻東溝
口龍泉橋在東山下上石橋在西關水門外明知縣劉
丕聲建下石橋在西關迤秦門外茨梅橋在縣西通濟
橋廣濟橋利濟橋俱在縣東小馮村

右平陽西路及隰州屬

平陽東山互連路澤東出之隘北自岳陽南山異城
府城關在岳陽縣東一百二十里唐舊關也西爲草峪嶺通
洪洞之曲亭鎮東踰沁河抵屯留之良馬寨皆入潞鹽驛也

今通車

唐志岳陽東有府城關

舊通志關址在沅河西

舊通志草嶺嶺在縣東南七十里曲亭鎮在洪洞縣南

四十里

案曲鎮東十餘里鐵口入山餘許前漢甯道屬下

岳陽之南鄔嶺連延環其麓者為浮山翼城其通道曰西鄔嶺關在翼城縣東北七十里古鉞陞也東界沁水之東鄔嶺西達縣之隆化鎮為河東驢入澤州之衝會

方輿紀要黑山在浮山縣北四十里一名牛首山又名烏嶺烏嶺山在翼城縣東三十五里又東北至澤州沁水縣四十里山南北有長嶺嶺上東西通道有二嶺相對曰東鄔西鄔唐會昌三年晉絳行營帥石雄討劉稹於澤潞引兵踰烏嶺破王寨李德裕曰烏嶺距上黨百五十里謂此

山也

舊通志西鄔嶺營屬平陽東鄔嶺營屬潞安龍化鎮在

縣東四十里東據鄔嶺西臨翼城南連絳縣北接浮山

扼要地也

志又云龍化鎮即隆化城周鎮也北齊隆化元年周武帝取滄州置鎮於此以禦周師故

名隆化金置隆化縣元初廢

鎮戍吳村鎮在翼城縣有營汛

舊通志鄔嶺關把總駐吳村鎮

在縣東北五十里

故戍在浮山縣者有平甯關秦王嶺郭城韓買安國史壁壘

頭四堡在岳陽縣者有隋氏關潼關隘千佛溝永興砦東池

南川口鎮當谷橫嶺五堡在翼城縣者有樊庭城皮牢城白

馬渡營交戍青龍寨鰲背寨彈平寨兜塚寨

宋史地理志神山有韓買安國史壁壘頭四堡冀氏有府

城永興二砦陶川白練當谷橫嶺四堡

方輿紀要浮山縣平甯關在縣東十里漢初鮑永破青嶺
於此秦王嶺在縣東北四十里舊志唐太宗南破宋老生
從霍山潛行至此以扼前鋒郭城縣南十里故戍守處也
魏收志禽昌縣有郭城其城三面險絕惟東南平夷卽此
岳陽縣東池堡在縣南三十里周一里北面臨崖志云隋
大業初縣嘗移理於此元和志移理東池堡在武德二年
又云今堡中見於義倉周圍二里
翼城縣熒庭城在縣東南七十五里卽春秋晉之陘庭也
左傳桓三年曲沃武公伐翼次於陘庭襄二十三年齊侯
伐晉張武軍於熒庭史記韓世家桓惠王九年秦拔我陘
城汾旁孔氏曰陘城在汾水旁似誤蓋謂自陘庭以至汾
旁地也寰宇記故城在
縣南八十五里皮牢城在縣東北史記魏世家惠

王十年伐趙取皮牢秦紀昭王四十八年王龔攻皮牢拔之今爲牢寨村括地志澮水側有皮牢城是也

舊通志橫嶺在浮山縣東四十里南通翼城東連烏嶺

北達岳陽草峪嶺東遙接沁河界猗氏關在岳陽縣東

南九十里案當作猗氏漢縣也在冀氏故縣北三十五里潼關隘北七十里在

城內有營房千佛溝北五十里溝最深關隘堞石尙存

齊天保九年晉州刺史斛律光率眾取周絳州白馬澮

交翼城四成白馬山在翼城縣東南八里元楊宜行大元

帥府鎮翼城青龍壑背葛伯彈平諸寨見段天章所撰墓表案葛伯寨

在垣曲此三兜塚寨在東山明季嘗爲土賊盤據衛周

寨亦當近翼道王公平妖碑妖寇利黨二十有奇崇禎二年盤居

翼沁蔓延於絳公孟夏二十六日自絳抵翼約十日可至南山曹公一帶賊聚眾謀拒而公於二十七日之夜率兵直抵山寨出其不意渠魁盡登兜塚餘黨盡歸山

鄉堡附見舊志者三縣凡三十九處

洞小洞無算大洞二十有九每洞輒深數里栗支類年	公應祠口勸諭抗不應督兵親攻破之隨進取兜塔	壁懸崖以溝洞賊守幾徑攔石下擊公周閱寨旁	山間賊寨門製如鞍狀凡二百付每付伏二人禦石	山賊不能守而寨破矣門鞍之計互古兵怯未聞	又云明季士賊略略教主盤據之計互古兵怯未聞	治元年邑令趙瑞率北士分道擒定國島台餘黨復聚東	山邑令趙瑞率北士分道擒定國島台餘黨復聚東	鄉堡附見舊志者三縣凡三十九處	舊通志浮山縣二鎮東張鎮南三十里王村鎮東北二	城九十里前代通路西左嶺十五里縣西有諱村在橫嶺東北距	二槐里張家灣村河子坡通源為色咽候嶺志有韓	村槐里張家灣村河子坡通源為色咽候嶺志有韓	道路要隘倚險築塙或建關門以資防禦岳陽縣二十	五堡湯裏堡五里故縣五馬堡南門十五里防禦	十里高邑堡東一縣七十里底堡永樂堡東南七	里堡百八十里堡東藍村堡百二十里曲底堡二百里東	里和川堡東北七十里唐城堡八十里孔村堡百三十里	北九十里堡弱柳堡五十里唐城堡八十里孔村堡百三十里	辛莊堡十里高城堡五十里唐城堡八十里孔村堡百三十里	賈村堡三十里高城堡五十里唐城堡八十里孔村堡百三十里
-----------------------	----------------------	---------------------	----------------------	---------------------	----------------------	------------------------	----------------------	----------------	-----------------------	---------------------------	----------------------	----------------------	-----------------------	---------------------	---------------------	------------------------	------------------------	--------------------------	--------------------------	---------------------------

安民堡連西城翼城縣十二鎮堡孫堡西北二十七里

喬堡連南城鳳架坡西北五里

王莊堡東北二十里東河西底村東北六十里

上交村東北五十里下交村東四十五里北綏東

二十里莊伯谷東南十七里隆化鎮見前黑谷村在

鄉合雲堡西南二十里曲陽城沁水四邑交會境

東南七十里歷山為翼城垣

曲陽城沁水四邑交會境

津梁刺廟橋潘公橋雙龍橋南畔橋西河橋趙莊橋大口橋

小箭橋響水橋龍尾橋在浮山縣鍊石橋扶風橋魯般橋承

樂橋柳寨橋利往橋麗澤橋臥波橋震東橋臥虹橋石欄橋

在岳陽縣廣運橋馬棚橋惠濟橋信義橋安定橋阜順橋承

定橋在翼城縣

浮山縣志刺廟橋縣東十里潘公橋在南門康熙己未

知縣潘廷侯建雙龍橋縣南十二里梁村南溝西河橋

在西門外並縣人張嗣昌重建南畔橋縣南四十里

縣楊逢春重修趙莊橋縣西十里廣濟橋在北門外大口橋縣東北十里小衙橋縣東六里響水橋縣南二十里龍尾橋縣西南四十里

岳陽縣志鍊石橋在北關康熙元年知縣李丕先重建乾隆二十四年邑人朱壽昌重修魯般橋縣東二十里永樂橋縣東六十里柳寨橋縣東七十里利往橋縣東九十里義塘村麗澤橋縣北六十里金堆村臥波橋縣東四十里古縣鎮西震東橋古縣鎮東臥虹橋縣東百里大渠村西山麓石欄橋縣東一百二十里核桃莊西翼城縣志廣運橋在水清寨馬棚橋縣南十八里何斯盛出戰劇賊吳思明於此惠濟橋縣西圍強上韓二村間信義橋東南十里北常鎮順治九年建安定橋在北

門外阜順橋在西關外永定橋在北關外

右平陽東路

霍山以南由平陽直達蒲坂悉坦途也惟平垣營介絳解間所轄諸隘據中條之阻扼南河之衝稱爲天險汾曲涑川地當衝要亦形勢然也次爲一路

蒙阮在曲沃縣東北五十里有驛北達史村屬太平縣南至隘口通聞喜縣汾東衝隘也

曲沃縣志橋山西爲壩頭山又西蜿蜒十餘里至於蒙阮南距汾河約三里溝深徑曲後魏將軍安同曰臣嘗受遣詣絳督租見汾東有蒙阮東西三百餘里蹊徑不通周建德五年十月武帝命齊王憲率兵六萬還拔晉州憲進軍營於涑水齊主攻圍晉州晝夜不息周問謀

還者或曰城已陷憲遣柱國越王盛大將軍尉遲迥
府宇文神舉等輕騎一萬夜至晉州憲進軍據蒙阮爲
其後援知城未陷乃歸涑川梁開平三年八月晉周德
威攻晉州詔楊師厚往救德威以騎扼蒙阮之險師厚
擊破之進抵晉州晉兵解圍去五代史王峻傳劉閔攻
晉州周太祖遣峻爲行營都部署得便宜行事軍出絳
州前鋒報過蒙阮峻喜謂其屬曰蒙阮晉絳之險閔不
分兵扼之使吾得過此可知其必敗也峻去晉州一舍
閔聞周兵大至卽解去明日峻遣騎兵追閔不及而還
蒙城驛北至臨汾驛九十里南至侯馬鎮八十里 鐵嶺關西南五十里隘口村
東倚絕巘西臨大壑峰峻徑仄車難並軌昔嘗建關於
此址存晉天福十二年漢主知遠出晉絳將赴洛有司

奏置頓厄口帝惡其名別路至聞喜從騎由厄口者多爭道墮絕壑

舊通志蒙阮太平縣東四十里接曲沃界南北數十里

坦然大道而馳騎過之倏如身墜井底前有驛後有村

胥以蒙名蒙城村在縣東南三十五里亦屬曲沃志云蒙阮即臥龍山喬山絳山之險也案絳山一

名紫金山在曲沃南隘口後魏天興五年八月圍姚平

乃其險也與蒙阮不連

於柴壁姚興悉眾救之太祖渡蒙阮逆擊大破興軍柴壁

志云今柴莊在縣東三十里有子奇堡史村九堡縣東四十里南至蒙城

今驛丞蘭德鎮在聞喜縣東北五十里路接曲沃隘口

汛

關在絳縣南五十里其北為舍口即冷口峪也通聞喜

為風山口在垣曲有皋落鎮今設釐卡其在絳縣東者

有沙峪口在垣曲東者有鼓鐘川皆入澤隘道也並分汛

明史地理志垣曲西北有橫嶺背巡檢司

舊通志橫嶺關在垣曲縣西八十里絳縣東南界中條

山之要隘也風山口縣西六十里爲橫嶺關入口地舉

落鎮縣西北六十里晉伐東山舉落氏處晉豕山縣北

五十里翼城沁水陽城交界地也案水經注作鼓鐘川

五年攻晉州分道尹升守鼓鐘鎮卽是處沙峪口在絳

縣東三十里壁峰峭絕案水經注言鼓鐘川分爲二澗

通阻幾通馬步今聞喜縣東北谷口唐大順元年潼關

防禦使韓健以兵屬張濬伐晉濬敗健自舍山遁歸李

罕之夜襲潞州入之自稱留後通款於汴朱全忠命丁

會援之與李嗣昭戰舍口不利葛從周取澤州嗣昭與

會戰含山執其將一人斬首三千級遂取澤州朱全忠
兵欲西以河中節度使王珂晉之壻也恐爲患乃願張
存敬侯言以大繩與之曰爲我持此繩縛珂來存敬等
兵出含山破晉絳二州遣何綱以兵守之絕晉援存敬
圍河中珂告急於晉晉以綱敬不得前珂卒降全忠
經洮水出清襄山東徑大嶺下西流出謂之隘口又明
西合洮水舍又作哈即冷口峪也在絳縣南一十里
崇禎七年八月北山賊伏轉山要口劫銀鞞蒲州營都
司薛敏忠剿之斬三十餘級西路始通轉山在垣曲西
七十里橫嶺關
內崇禎五年十二月流賊紫金梁老回回蝎子塊數十
萬眾自陽城來掠瞽家劉村陞坂陳王二十餘村堡省
祭周得英守北山隘口爲賊所執不屈死六年四月賊
數萬屯瞽家村守東道葉廷桂剿之斬四十級賊驚走

八年三月賊千餘自絳縣破馬村堡平陽參將虎大威急追舊家村斬一百七十餘級賊二郎神混天猴二百餘潛伏山谷請降大威行至翼城設計盡斬之九年十月賊五百人盤踞舊家山陽城石鳳臺撫之十三年饑民數千自陽城聚舊家山蒲州遊擊柳如金驅之

虞坂俗名青石槽在安邑縣南三十里平陸縣東北七十里古頭輪坂也道通茅津渡東北通夏縣之王峪口悉中條之衝途也

舊通志安邑車輞谷東爲二郎谷又東爲虞坂在東郭村南明御史張士隆修道可通鹽車崔統張御史治路記河東鹽行四方公私皆利之運司東南二十里曰青石槽道狹而險如永巷然長七里徒者負者輿行自槽之南如陝州中有一張店曰茅津者凡六十里有土坂高二丈溝深則半之兩崖對立而中隘正德八年秋張御史取河津覆

山工百三十人蒔城安邑夫六百名鑿石槽梁一丈有奇闊倍之石槽平行旅悅之已取平陸夫七百七人怡張店茅津宏監刊峻既月張店茅津又平德者殺其直願負者餘其力馬行可馳車可並兩行旅大悅之云云願

幹在虞坂南通與平陸有願幹坂水經注傳巖東北十

餘里卽願幹坂也春秋左傳所謂入自願幹者也有東

西絕澗左右幽空窮深地壑中則築以成道指南北之

路謂之幹橋

今幹橋西南懸絕中央有兩道焉

夏縣南十五里虞坂山

土人名三橋坂後魏薛鳳賢據安邑都督宗正珍孫守

虞坂不得進蓋虞坂崖勢袤曲南北胥可守故長孫彥

楊侃不由虞坂由平陸東北夏縣東南之石錐壁以躡

安邑東乃克平之

案北史魏孝昌末正平民薛修義關河東薛奉賢據安邑詔遣宗正珍生

討之珍生守虞坂不敢進長孫稚使其子彥興左丞楊侃帥兵北渡河據石錐壁薛奉賢來降

河東道駐安邑縣之運城其他城鎮之有官守及營汛者府

屬趙曲鎮在襄陵縣史村鎮在太平縣侯馬鎮在曲沃縣絳

屬橫水鎮在聞喜縣解屬長樂鎮在州聖惠鎮在安邑縣張

店鎮在平陸縣蒲屬永樂鎮在永濟縣耽子村在臨晉縣

天下郡國利病書運司舊在解州元解鹽使姚行簡徙治

路村即今運城運司志乾隆五十六年裁鹽運使河東兵備道自蒲州移駐長樂巡檢

司在城西三十里姚家莊解州東聖惠巡檢司在城東二

十里安邑縣南鹽池巡檢司在池南西姚村

襄陵縣志趙曲鎮分駐外委一員在縣東南二十五里

太平縣志史村驛在縣東四十里有堡有巡檢司

曲沃縣志巡檢司駐侯馬鎮縣西南三十里

聞喜縣志橫水鎮把總隸平垣營縣東四十五里

舊通志張店堡平陸縣東六十里虞城之外郭也南扼

顯幹北控鹽坂有險可恃爲南北孔道今平垣營駐防
蒲州府志同知駐劄永樂鎮

臨晉縣志耿子村分駐千總一員縣北二十里

黃河隘口之有營汛及釐卡者禹門渡巡檢司在河津縣廟
前鎮在榮河縣吳王寨在臨晉縣風陵關下馬頭在永濟縣
茅津鎮在平陸縣並設卡濟民渡有東灘營在垣曲縣平垣
營舊駐茅津南溝渡其分汛也

方輿紀要龍門關在河津縣西北龍門山下後周所置唐
因之關下卽禹門渡也志云縣北三十里有禹門渡巡司
洪武三年置榮河縣北九里后土祠前有汾陰渡金人設
此以通秦雍之路今新渡口在廟前鎮臨晉縣西三十里有吳王渡
在河東岸與陝西郃陽渡相對卽韓信渡河襲魏豹處昔

有吳王二姓居此因名上有吳王寨洪武四年置巡司戍

守於此今久風陵關在蒲州南六十里路通潼關唐聖歷

初於風陵堆南津口置關以譏行旅宋志河東縣南有風

陵關是也亦曰風陵津風陵渡洪武八年置巡司於此屬

潼關衛唐志河東有風陵關大厯元年置元和志風陵故

潼關衛一名風陵津魏太祖西征韓遂自潼關北渡即其處

也平陸縣東南二十五里傳巖前有茅津渡亦曰大陽

渡案今縣南二里別有大陽渡志云茅津渡前明洪武三

年設巡檢司先為沙澗渡後更名茅津堡在縣東二十

里茅津渡西黃河北岸設遊擊署駐防巡檢司乾隆二十

八年以縣丞駐之南溝渡在縣東百二十里同治元年

設外委分駐志以爲古白浪渡垣曲縣志濟民渡縣南五里東灘村南岸係掘池陽壺

渡晉豫之通津也同治元年立東灘營設都司

舊通志齊神武入關關右行臺薛循義自龍門濟河招

下西魏北華州刺史薛崇禮周天和五年齊將斛律明

月率大眾於汾北築城西至龍門六年齊王憲率眾二

萬出自龍門齊將王康德潛軍宵遁隋大業十三年八

月癸巳唐高祖次龍門隋驍衛大將軍屈突通守河東

絕津梁壬寅馮翊賊孫華土門賊白元度具舟以來逆

九月戊午以少牢祀河乃濟通鑑唐公至龍門汾陰薛大鼎請勿攻河東自龍門

直濟河據承豐倉河東縣戶曹任環曰環在馮翊積年

請之義師自梁山濟河指韓城通邵陽蕭曹文吏必

豐關中自定矣既以書招孫華華來見環又說下韓城

東自引軍而西唐武德二年秦王自龍門渡河屯柏壁

中和三年李克用自夏陽濟留薛阿檀扼津口次同州

壁乾陀敗賊於梁田坡明崇禎十七年正月李自成由

韓城焚航渡河入犯平陽

崇禎十六年冬巡撫秦懸德以三千弱卒日往來奔走於

二千五百里之間猶敗賊大慶度再敗之風陵漢三敗之吉鄉渡賊屢犯屢卻堅壁守者四閱月而是時閭賊已破榆林岢嵐告急乃留千人守平陽千人守汾州千人是太原賊既偵兵離平陽布間謀謗言已渡河平陽道將皆魏太平眞君十一年宋將薛安都柳元景入虜秦城走氏進攻宏農詔洛州刺史率眾度崤蒲城鎮將何難於風陵堆濟河元景退走東魏天平初遷鄴齊神武使汾州刺史斛律金步騎三萬鎮風陵以備西寇二年八月齊神武至恆農西克潼關執毛洪賓進軍長城龍門都督薛崇禮降神武退舍河東命行臺尙書長史薛瑜守潼關大都督庫狄溫守封陵神武率眾十萬出壺口趨蒲坂將自后土濟遂渡河逼華州十月至沙苑周太祖據東十里渭曲以待之神武兵敗夜遁四年三道伐西魏神武自總大眾至蒲津竇泰自風陵濟河至潼關高

敖曹入武關陷上洛以泰軍敗沒並旋師

案風陵史記作封陵案隱

引括地志並同

故戍在府屬者臨汾縣有分水關長甯關柴壁何奴堡襄陵縣有乾壁青石坂太平縣有太平關白波壘子奇壘雕掌寨豹尾寨在絳屬者州有柏壁武平關家雀關聞喜縣有美良川留莊隘河津縣有張壁伏龍城薛戍堡稷山縣有玉壁城華谷城平隴城新城在解屬者州有陽關寨白徑嶺夏縣有溫厚堡平陸縣有石錐堡金雞堡三門集津芮城縣有直谷嶺在蒲屬者永濟縣有武壁獨頭坡張村岔臨晉縣有阜笑虎角杯巡司虞鄉縣有王官城榮河縣有胡壁鎮

方輿紀要柴壁城府西南六十里汾水上舊爲戍守處晉元興初姚興拔魏乾壁魏主馳救圍攻秦將姚平於柴壁

秦主自將救之將據天渡運糧以饋平魏博士李先曰兵法高者爲敵所棲卑者爲敵所囚今秦皆犯之宜及其未至遣奇兵先據天渡柴壁可不戰取也因築重圍以絕內外遂克之胡氏曰柴壁在汾東天渡蓋汾津之名在汾水西岸今太平縣子奇壘與此接界或以爲卽柴壁云匈奴堡在府西南七十里匈奴種人常保聚於此因名姚秦時爲戍守處晉義熙十一年并州胡叛秦入平陽推匈奴曹宏爲單于攻秦將姚成都於匈奴堡姚懿自蒲坂討擒之十二年姚懿以蒲坂叛欲運匈奴堡穀以給鎮人姚成都拒之十三年劉裕伐秦檀道濟等渡河攻蒲坂遣別將攻匈奴堡爲成都所敗乾壁城在襄陵縣東南晉元興初魏主與後秦有隙命并州諸部積穀於平陽之乾壁以備秦

既而姚興遣軍攻乾壁拔之

地形志禽昌縣有乾城卽此

太平關縣南

三十五里又南至太平縣二十五里舊名故關鎮宋志縣

有雕掌豹尾二寨今廢白波壘在太平縣東南三十里後

漢末黃巾餘黨郭太於汾西白波谷築壘寇太原卽此今

名永固村

太平故關屬縣與襄陵金安鎮界

柏壁在絳州西南二十里唐

初劉武周及其將宋金剛陷并潯等州秦王進討自龍門

渡河屯柏壁大破其將於美良川或曰美原川在城東北

今柏壁鎮有秦王堡武平關在州西二十里北齊時屯兵

於此以防周通典州南七里有故家雀關亦周齊時戍守

處也

秦美良川在聞喜縣東南武平關在稷山縣界

玉壁城在稷山縣西南十三

里西魏大統四年東道行臺王思政以玉壁險要請築城

自恆農徙鎮之八年高歡伐魏入自汾絳連營四十里思

政守玉壁以斷其道歎攻圍之不能克十二年韋孝寬代

思政鎮玉壁歎百計攻圍孝寬隨機拒守歎用術士孤虛

法聚攻其北北天險也智力俱盡卒不能拔華谷城縣西

北二十里齊斛律光所築者周建德五年圍晉州分遣字

文招自華谷攻齊汾北諸城是也今名華峪村

案周齊時吉陽諸州

悉爲山胡所據故

白徑嶺在解州東南十五里中條山之

爭衝常於汾北

別嶺也路通陝州大陽津渡志云由檀道山陡徑出白徑

嶺趨陝州卽石門百梯之險也唐至德二載郭子儀復河

東賊將崔乾祐走安邑復自白徑嶺亡去梁乾化三年朱

友謙以河中降晉梁軍攻之晉王自將救之遇梁軍於解

縣大破之追至白徑嶺而還

石門百梯詳山川考

黃河在平陸縣城

南流經縣東五十里經底柱曰三門集津

金史興定元年設潼關副使及

三門集津
提舉官

武壁在蒲州北志云自蒲州至榮河河津黃河

岸側凡八寨曰汾陰胡壁趙村薛戍薛堡連柏西倉禹門

俱元至正末築以薛堡居中可制諸營移中軍於此更名

武壁

案汾陰趙村在榮河胡壁詳下餘在河津

阜筴戍在榮河縣南西魏大統

中高歡圍玉壁宇文泰出軍蒲坂至阜筴聞歡渡汾追之

不及

通鑑注在蒲坂東

王官城在虞鄉南志云王官谷以王官廢

壘爲名

案谷道南通芮城之橫嶺卽直岔嶺也

胡壁鎮在榮河縣東三十里

唐光化元年陝虢王珙引汴兵攻河中李克用遣李嗣昭

救之敗汴兵於胡壁鎮梁乾化二年朱友謙以河中附晉

康懷貞攻之屯於河中城西晉將李存審救友謙敗梁兵

於胡壁鎮是也金志萬泉有胡壁鎮蓋與萬泉接界

舊通志臨汾縣分木嶺在城西北姑射山西接蒲縣舊

有分水關今廢

案汾水關在靈石志云古作汾水非

長甯關李克用自訴

表云晉州長甯關使張承暉錄到張溶榜

關址不裏陵詳所在

縣青石坂西南三十五里路通隰州明宏治十二年知

縣李高開爲大道

在雲都峪口卽古狐蔚也

聞喜縣留莊隘東南七

十里中條山南通垣曲北接絳縣冷口峪土人名劉莊

野

南接垣曲翠樹鋪美良川見前

河津縣伏龍城周天和五年齊將

斛律明月於汾北築城自華谷至龍門六年齊王憲渡

河攻其伏龍等四城二日盡拔之又進攻張壁克之獲

其軍實平其城壘明月時在華谷弗能救也薛戍堡在

小亭村東所以控黃河岸金皇統間築

又有薛堡連柏西倉並見前

稷山縣平隴城在縣西五里斛律光築今爲平隴鎮齊

武平二年斛律光率眾築平隴衛壁統戎等鎮戍十有

三所周柱國普屯威韋孝寬等步騎萬餘來逼平隴與

光戰於汾水之北光大破之又西魏將達奚武出鎮玉

壁量地形勢立樂昌胡營新城三防齊將高苟子以千

騎攻新城武邀擊之悉虜其眾

案玉壁在汾南此三成當相近

嶺在州南三十里芮城界嶺有陽關寨寨有勝礬窟

窟東南即白徑嶺

夏縣溫峪堡在縣東一百里溫泉山有礬洞

明嘉靖中有道士寓此私鍊自給後漸露河南盧氏礬

徒劫取殺人巡鹽御史竹厓王公聞於朝隨檄河東守

巡防禦之頗擾民後平陽府同知駐節於此添設平陽

衛兵八百防護騷擾益甚知縣胡柟中詳罷之以省祭

官純藥箭手代戍

國朝康熙四十六年太原人高華等叩關請開礦以充兵

餉入洞取沙燒鍊無所得平陸縣金雞堡縣南二里店

頭鎮有古城遺址延袤七里在崇岡之上丹壁屹立南

臨大河土人名金雞堡一名十二連城春秋時巖城也

志云下陽城縣西南二里東面芮城縣橫嶺卽直岔嶺
卽金雞堡石雞堡見虞坂下

也縣東北六十里中條山巔路通解州南北孔道

解州志直

岔嶺東爲狄子谷又東爲五龍谷在州南五里谷口西
上十五里爲橫嶺卽中條山脊其自北而下者爲弓長
溝又東爲堡子谷又東十里爲大虎谷谷中有獨頭坡
將軍堡堡後有鳳凰嘴有陽關寨寨有騰驤窟

永濟縣南四十里中條山之西麓雷首一邱突兀當路

外臨大河內穿峻坂出郡走潼關道也張村岔明設巡

檢司今裁

臨晉縣志角杯村縣西十五里舊設把總及巡檢司今

裁

鄉堡附見舊志者凡府屬五十六處絳屬五十八處解屬二

十六處蒲屬三十九處

舊通志襄陵縣四鎮堡

京安鎮市西南三十五里元設
趙曲鎮在東南關

皮里在西南
安澤鄉在東

太平縣四十寨堡

西賈堡八里南劉村

堡十五里
堡十五里

南賈堡十五里
北社堡三十里

東到堡二十里南劉村

堡三十里
堡三十里

北社堡三十里
北柴堡三十里

沙女堡四十里南柴

堡二十五里
堡二十五里

南趙堡十里
北齊堡十五里

李村堡二十五里南柴

堡三十里
堡三十里

北齊堡十五里
道堡二十里

站堡二十五里西

堡三十里
堡三十里

郭店堡十五里
北故縣堡十五里

清儲鎮

堡二十五里
堡二十五里

郭店堡十五里
北故縣堡十五里

清儲鎮

堡二十五里
堡二十五里

郭店堡十五里
北故縣堡十五里

清儲鎮

堡二十五里
堡二十五里

郭店堡十五里
北故縣堡十五里

清儲鎮

堡二十五里
堡二十五里

郭店堡十五里
北故縣堡十五里

清儲鎮

堡	六郎寨	河堡	吉峪堡	二堡	八堡	南堡	管堡	西堡	魯堡	通堡	南堡	唐堡	亭堡	津堡	東堡	蘭堡	交堡	堡	十里堡
迎駕寨	西堡	落堡	吉堡	二堡	八堡	南堡	管堡	西堡	魯堡	通堡	南堡	唐堡	亭堡	津堡	東堡	蘭堡	交堡	堡	十里堡
寨在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡	堡在縣西南近黃河解州二鎮里舊有長樂巡

卷之六

地理志

三

司里舊有鹽池巡司安邑縣六鎮堡聖惠鎮巡檢司西

北相堡有汛小李村夏縣六鎮堡溫峪堡見前牛

堡陶村堡霍趙堡莊更名喜安莊家窰堡西三十里

明萬曆元年建本西頭鎮堡更名喜安莊並有汛

曹張鎮堡金置水頭鎮堡張店鎮堡金雞堡並有汛

郭平陸縣八鎮堡前天津鎮堡張店鎮堡金雞堡並有汛

鎮北三十里並有鎮西洪池鎮堡西北四十里張谷鎮

西十五里常樂鎮西二十里葛趙鎮堡西四十里

八政堡東芮城縣四堡香頭堡朱呂堡永濟縣二十

三十里永樂鎮張村岔見前栲栳鎮永豐鎮黃

二鎮堡永樂鎮張村岔見前栲栳鎮永豐鎮黃

寨大陽村焦廬村小李家村東張鎮永豐鎮黃

張華堡趙伊村堡臨晉縣四鎮堡前吳王寨角村見

高市堡下村堡臨晉縣四鎮堡前吳王寨角村見

城莊堡長千堡臨晉縣四鎮堡前吳王寨角村見

二十五里樊橋鎮東南十五虞鄉縣四鎮堡故市鎮

里有驛齊王寨西北十里猗氏縣四鎮堡令狐城百

鄉頭鎮坑頭鎮縣志有猗氏縣四鎮堡令狐城百

平壕東社虞東屯關未莊有猗氏縣四鎮堡令狐城百

伏古地神羌堡東北十五里義順坡一名鄧公堡

傳鄧禹屯兵處張岳鎮安邑縣界下任鎮臨晉縣

界杜村鎮千萬泉縣一鎮解店鎮在縣東榮河縣四

鎮王顯鎮在東孫吉鎮在南廟前鎮薛積鎮在北

津渡縣志有竹家莊西李村程村王黑馮村諸市鎮黃河自廟前鎮以南慈航渡白馬渡在榮河境吳王寨

以南夾馬渡在臨晉境並通邵陽老河渡匡河渡在永濟境

並通朝邑風陵關以東澗口渡永樂渡亦在永濟境並通閼

鄉鄭家渡太安渡大禹渡曲里渡在芮城縣並通靈寶洪陽

渡大陽渡在平陸境通陝州茅津鎮以東南溝渡亦在平陸

境五虎渡東灘渡在垣曲縣並通澗池

舊通志河津縣黃河渡口縣西一十里為河東岸陶家

營渡縣西南三十里雙營渡縣西南三十五里夾甸營

渡縣西南五十里並平陽衛故屯地新莊渡縣西南五十里曹

家莊西諸渡即韓信以木罌渡河地也明太祖兵亦嘗

由胡壺灘入關中

案諸漢今並廢河津縣志明隆慶五年河東徙汾水至縣西南二十里胡

壺灘入河今河復西徙龍門河裁廣七十步至胡盧灘

汾水至榮河夾句入河

下乃廣十餘里韓信於臨晉陳船為渡之勢而潛軍上

流由夏陽急渡今禹門渡欲其易渡敵不及覺也當以

水經注橫溪水東南經夏陽縣故城北故少渠也其水東南流於河昔韓

信之襲魏王豹也以木罌自此渡

案夏陽故城在今韓城縣西南二十二里漢臨晉即今朝邑縣治也

蒲州府志白馬渡在榮河縣南十里元時設

渡在縣志西頭

村西對韓城

臨晉縣吳王渡其南為夾馬口渡

距縣三

之芝川鎮

蒲津關宋祥符中改為大慶關今去郡城五里為秦晉

分界處

關南十五里有老河渡

合河鎮在永濟縣風陵鄉去縣南

六十里金時所置今為匡河

案即河曲地

永樂渡在永濟縣

東南一百二十里黃河北明洪武四年設巡檢司今廢

圖說澗口渡在縣南八十里古賢渡在縣南九十里又十里有小里渡並在永樂鎮西

芮城縣志陌地渡在縣東南四十里土人名王村曲里

渡卽古涇津也路通河南靈寶縣宋邑令邵伯溫築待

濟亭於河干以安賓旅明洪武四年設巡檢司九年徙

南七里又置批驗所後裁

圖說縣西南三十里永濟界有鄭家渡縣南十里有太安

渡其東十里有大禹渡

水經注宏農郡城北河水有涇津穆天子

傳天子自寶輪乃次於涇水之陽丁亥入於南鄭漢建

安中杜畿爲河南太守河東人衛固使兵數千人絕陝

津畿至不得渡曹公遣夏侯惇討之未至荀彧謂畿曰

宜須大兵畿曰吾單車直往出其不意遂說道從涇津

渡魏正平二年八月冠軍將軍封禮率騎二千從涇津

南渡赴宏農五朝志芮城有關官是隋以前置關於涇

津也

平陸縣志大陽渡縣南二里五朝志河北有關官唐志
陝州陝縣有大陽故關卽茅津一日陝津貞觀二十一
年造浮橋案春秋僖公五年晉獻公假道於虞八月圍
下陽卽古巖城在大陽渡北岸十二月晉滅虢其渡河
蓋由此又漢興平二年獻帝走陝北渡河步行至大陽
止人家屋中遂幸安邑晉懷帝遣平北將軍曹武次大
陽討劉元海不克石勒率輕騎二萬會劉粲於大陽大
敗晉監軍裴邈於澠池金貞祐二年宣差都提控從坦
言絳解二州村民皆持鹽布易米今大陽等渡乃不許
粟米過河願罷其禁白浪渡在縣東一百八十里自城
東上承泉十八盤倚子石三峰寺交口處皆河崖也

洪武四年設巡檢司今裁案宋建炎初武義居大夫瞿
進守澠池界金人犯白浪隘將渡河進破之又金人長
驅渡河澠池人張玘禦之白浪金人不得渡洪陽渡在
縣西四十里葛趙村縣境沿河二百三十里有四渡惟
茅津白浪設官吏有兵

續志縣西三十里車村有民渡

垣曲縣志黃河渡口八里灘板澗口五福澗

舊通志五福澗虎洞縣西

南五十里明嘉靖時置千總一員以防礦徒案洞當卽水經注所云五戶澗也舊志作虎新志作福皆知音之異

鷹嘴廟安窩村並縣屬東寨渡芮村渡毛田渡清河

渡俱濟源屬

東灘渡見黃河隘口下

汾河自府城以南可通舟楫其津渡在襄陵縣者四處在太
平縣者十三處在絳州者十二處在稷山縣者七處在河津
縣者五處

襄陵縣志郭村渡縣東一里北陳渡縣東南五里東徐

渡縣南十五里大陳渡縣南二十五里

太平縣志史村渡縣東北四十里毛村渡丁村渡下尉

渡柴莊渡倉頭渡並縣東三十里裴村渡王村渡姚村

渡永固渡南王渡西吉渡並縣東南三十里東吉渡縣

東南三十五里

絳州志通津橋在南門外汾河渡城東五渡站莊五里裏

莊十五里木贊二十里店頭二十里南梁三十里城西五渡三林

里南社十五里王村二十里馬村二十里樊村二十里周流三十里

稷山縣志玉壁渡縣西南二十里汾水之陰元魏置關

後爲渡荆平渡縣南三里薛村渡縣西南二十里苑曲

渡縣東南五里費村渡縣東南十里崔村渡縣東南二

十里

舊通志河津縣修福渡在南八里黃村渡在東南二十

八里蒼底渡浮橋在南八里胡盧灘浮橋在西南十里

又圖說東南二十里有百底渡

津梁府屬晉橋高石橋飛虹橋龍飛橋我山橋遺愛橋通惠
橋在襄陵縣洪濟橋國土橋廣濟橋普濟橋通善橋惠民橋
惠遠橋仙虹橋望汾橋防涉橋南北雷水橋通濟橋會濟橋
利涉橋通惠橋在太平縣潞河橋滄水橋金溝橋懷遠橋交
河白集橋通津橋虹霽橋獻文橋通晉橋月橋龍臥橋敬德
橋驛橋滄川橋聚善橋厓上橋招仙橋沙溝橋太潞橋天橋
蘇村橋堽隄橋平濟橋山底橋通濟橋廣義橋攀龍橋在曲
沃縣

絳屬滄水橋隱身橋塞里橋水西橋孚惠橋澤掌橋三林橋
南北王馬橋周村橋龍香橋永濟橋段家橋在州境南橋東
橋西橋西門橋通利橋志橋東鎮橋金稷橋橫水橋普濟橋
南朱橋峪裏橋永利橋萬善橋利涉橋復興橋普渡橋汾陽橋
濟橋成夫橋永利橋萬善橋利涉橋復興橋普渡橋汾陽橋
通商橋便石橋雙義橋禹王橋利涉橋在稷山縣鎮峰橋順
聖橋通濟橋趙村橋北義橋南義橋義濟橋通遠橋保障橋
聚風橋李公橋在絳縣迎恩橋皋王橋南關橋王公橋葛寨
橋五龍橋湯王橋皋落橋貫溝橋在垣曲縣

解屬金井橋凍水橋龍居橋通利橋南門橋姚暹渠橋在州
境通惠橋宏濟橋大石橋小石橋北路村橋西石橋在安邑
縣凍水橋水頭橋卓義橋宏遠橋橫洛橋惠濟橋通渡橋在

夏縣廣濟橋大坡橋在平陸縣

蒲島孟明橋通濟橋廣濟橋平政橋天市橋在永濟縣城子
埽橋觀底橋在臨晉縣惠澤橋柳道橋會龍橋五里橋故市
橋張坊橋胥村橋麻村橋會本橋杜家營橋石橋屯橋土橋
屯橋棗圪塔橋王朔橋平據橋五里橋楊村橋普樂橋在虞
鄉縣涑水橋廣惠橋永濟橋原頭橋香落橋在猗氏縣永利
橋永安橋永濟橋在萬泉縣惠民橋在榮河縣

襄陵縣志晉橋在縣治北屏霍門外宋嘉祐六年建高
石橋在縣北二里接臨汾界飛虹橋在縣南義店村元
至大中建龍飛橋在縣西南龍澍峪元元貞二年建我
山橋在龍澍峪明隆慶元年知縣宋之韓建遺愛橋在
縣東南鄧莊元大德六年里人鄧貞建世傳鄧攸嘗建

山西通志卷四十一
此名愛橋後知縣李高重修改名通惠橋在縣南四十里京安鎮接太平境

太平縣志洪濟橋在縣南關金大定二十三年建康熙二十年修乾隆十六年增建廈宇易木柱以石國士橋在縣東四十里汾東孔道廣濟橋一在縣西門外一在縣西南三里俱明宏治年建普濟橋在縣南二里泰山廟側通善橋在縣北二十五里古城鎮南關鎮人賈氏所建惠民橋一在縣南關明宏治年建一在古城鎮仙虹橋在縣東南五里彭村北明正德二年建望汾橋在縣東一里龍王廟左明宏治四年建防涉橋在縣東十五里南賈北堡坡下道光四年諸生郭德源建南北雷水橋俱在古城鎮金皇統四年建通濟橋在大張袁南

明嘉靖三十年建會濟橋在單家莊西北溝嘉靖十三年建利涉橋在北齊腴三分澗上嘉慶七年建通惠橋在縣西毛村北二里嘉慶二十年儀佩儀三泰同修道光四年又修

曲沃縣志天井橋縣西北二十里高顯村天井水上通濟橋縣西南三十里侯馬鎮滄水上金溝橋縣西南三十五里隘口北金溝水上明知縣王明善建懷遠橋縣南闕明知縣宮可初建交橋縣東南五里滄水上康熙間建白集橋縣北二十里白集村北通津橋縣東北二十里景明村白石園西獻文橋縣西南四十里驛橋相傳春秋時晉獻文子建通晉橋縣東二十里南屬寺月橋縣南二十里任莊龍臥橋卽辛村橋滄川橋在金沙

村北乾隆五十年建聚善橋在吉許村北厓上石橋縣西南十五里厓上村乾隆十七年建招仙洞石橋在隘口南太溝過水橋乾隆二十一年東甯西甯二村公修天橋在西甯村乾隆二十一年知縣張坊建蘇村橋城壕隄橋古壕隄橋並乾隆二十一年張坊建平濟橋在景明村北山底橋在山底村東門外

絳州志滄水橋在城南五里西橫橋莊

係浮橋

隱身橋在

北關閣下寨里橋在城北三里明宏治十八年知州徐崇德建水西橋在城西北十二里李惠橋在城西北二十里三泉莊澤掌橋在城西北三十里咸豐三年村人高舒文修三林橋在城西七里南北王馬二橋在城西八里周村橋在城西三十里龍香村通津橋在城東

北二十里明正德九年建永濟橋在城西北三十五里
北扯塢乾隆二十二年建段家莊石橋道光三年建

聞喜縣志南橋在城南門外明時建康熙三十九年重
修小石橋在城西大門外乾隆二十一年重修廣濟橋
在城水西門外乾隆十一年重修東橋在城東門外洩
水上乾隆二十五年修西橋在城西三里常家房康熙
二十一年邑人朱裴建乾隆五年二十九年相繼修通
利橋在城西二十里郭店鎮驛路明末建乾隆十九年
修志橋在城西姚村明隆慶末建崇禎十三年修東鎮
橋在城東三十里明正德間建金稷橋在城東五十里
蘭德鎮東北槐林溝驛路乾隆十九年修橫水橋在城
東六十里絳縣界乾隆二十一年兩縣協修創建無考

有明正德中邑人宋學顏萬厯中河東道詹思虞重修
二碑普濟橋在城東十五里丁店康熙二十六年建南
宋村橋在城西十里乾隆間建峪裏橋在城東二十五
里晁村乾隆間建永濟橋在城東三十五里侯村乾隆
二十九年建

稷山縣志利濟橋在縣東北二里邑人史三省及生員
史灼重修洪濟橋亦史灼重修小石橋在縣西北里許
廣濟橋在縣東二十里小杜村龍王溝成夫橋在縣南
二十五里修善莊當稷王山水之衝省祭文世興捐資
構造未完而沒妻賀氏繼成夫志因名永利橋在縣東
北五里澗東村趙三畏建康熙三十二年重修萬善橋
在縣東五里魚兒灣趙三畏建康熙四十六年重修利

涉橋在縣東北十五里西社村復興橋在縣南三十里
羅鎮西南普渡橋在縣西二十五里薛村汾陽橋在
縣西十里吳城村通商橋在縣西后土廟前同治五年
重修便石橋在南二十里西里村雙義橋在縣南三里
乾隆二十七年建禹王橋在西社村利涉橋在胡盧泉
北又通峪橋在城北十五里今廢

絳縣志鎮峰橋在縣東門外乾隆三十一年建道光十
三年光緒二年相繼修順聖橋在縣東北三十里通濟
橋在縣西二十里橫水鎮趙村橋在縣西十里趙村東
北義溝橋卽逆溝橋在縣東十里路村乾隆二十四年
道光十二年相繼修南義溝橋在縣東十里喬村同治
七年重修義濟橋在冷口峪義民張應時建通遠橋在

縣東二十里李冊莊西保障橋在縣東北三十里三澗
村西聚風橋在縣南門外乾隆二十四年建同治十一
年修李公橋乾隆三十四年邑令李繼煥建民遂以三
字題之

又雙濟橋在
城西北今廢

垣曲縣志王公橋在縣西北二十里王茅里迎恩橋在

西關

又有南
關橋

泉王橋在城北葛寨橋在縣南葛伯寨五

龍橋在縣北交斜村湯王橋在縣西六十里上毫村皋
落橋在皋落鎮貫溝橋在陳村

解州志涑水橋在西北三十里三婁村接虞鄉坑頭鎮
龍居橋在東北十五里通利橋在西門外二里跨大水
澗土人名石橋南橋在南門外康熙初建郇瑕橋在北
十五里近郇瑕舊城土人名羅叉橋迤東有鸞橋麻村

橋又金井橋在西北十六里土人名侯村橋胥跨姚通

渠

又厚尾橋在西十五里
貢村後鳳尾堰今廢

安邑縣志通惠橋在東門外明隆慶間建

又通濟橋亦在東門外

宏濟橋在北門外並隆慶間知縣劉希孟建大石橋在東十三里苦池灘南小石橋在北三十里王范村北路村橋在運城北門外明嘉靖間建西石橋在運城西五里姚家莊

夏縣志涑水橋在縣西四十里曹張鎮康熙四十七年

重修

又東張里村有橋亦名涑水

水頭橋在水頭鎮西明正德間修

卓義橋在縣南五里明嘉靖八年邑民齊忠義建後圯旋即修復隆慶四年又圯忠義仍重修宏遠橋在縣西南六里朱呂村李綽堰明時建康熙乾隆嘉慶道光中

並嘗重修橫洛渠橋在縣北十里尉郭村同善橋在縣
西水南村道光二十八年建通濟橋一在縣西下留村
南沙河一在縣北苗村惠濟橋在縣南姚村俗名會仙
橋通渡橋在裴介鎮又有巫咸橋在南門外大南橋在
南關勝覽樓下禹城橋在縣西十
五里今
並廢

平陸縣志廣濟橋在縣東北七十里張店鎮道光二十
五年增修大坡橋在縣東北七十餘里與清涼山坡相
連爲邑北界光緒四年修又八政橋在東三十
里明萬厯間建今廢

蒲州府志孟盟橋在東十里秦孟明伐晉濟河焚舟盟
師必克故以名通濟橋在南十里鐵鏈舖前廣濟橋在
彌勒洞前康熙六年僧沚照募建平政橋在南五里天
市橋在迎西門外

臨晉縣志城子將橋在西南三十里通運城鹽車官明
觀底橋在東南二十里水溢橋城東橋城西橋胥跨涑
水

虞鄉縣志惠澤橋在城東門外通解州爲石佛寺峪水
東流所經柳道橋在城西門外柳道北口會龍橋在城
北門外上承柳道橋下會惠澤橋水五里橋在城東賂
溪坊西引風伯峪水故市橋在故市鎮西門外跨王官
谷北注之水張坊橋在張坊村西南上接石鹿下輪新
河胥村橋在西胥村大郎澗盡處麻村橋在村南又有石衛
村橋已圯凡五會本橋在會本營南爲姚遷渠入境第
一橋杜家營橋石橋屯橋土橋屯橋聚圪塔橋王朔橋
平壕橋並沿村名五里橋在孫常鎮北自會家橋沿流

而下至此橋凡有八俱跨姚暹渠爲渠水歸入五姓湖

處楊村橋普樂橋俱跨涑水

又有裴坊橋今圯縣東北四十里鄉頭鎮爲古涑水

經流處自河道改易其橋亦傾圯土人猶砌餘石以志遺蹟

猗氏縣志涑河橋在東南十里乃行鹽道也明巡道詹思虞建康熙四十三年喬士容重修廣惠橋在東門外明萬厯間知縣黃道見輒修永濟橋在西門外原頭橋康熙四十一年知縣陶自悅建香落橋在西南十五里順治九年陳湛念及子適月繼修

萬泉縣志永利橋在城西門外唐時建明嘉靖初重修有修撰呂柟記隆慶中李廷陳移建舊橋北天啟中又修永安橋在城西二里許元泰定初縣尹楊思聰築明嘉靖初圯知縣王大節重修永濟橋在皇甫村西明嘉

靖間村人鶴齡建

榮河縣志惠民橋在縣南百峪口通濟橋在縣南番底村並明知縣馬安建

其非晉地而設闕者曰封門口古邵原關亦即孟門道也在垣曲縣東九十里河南濟源縣境隸東灘營

方輿紀要邵原關在濟源縣西七十里或曰古邵原縣蓋

置此

案圖乃今之封門口故邵原郡在關西四十五里邵原鎮亦屬濟源明史地理志濟源縣西有邵原關

檢又云邵城在垣曲縣東亦曰郛邵博物記垣東九十里

有郛邵之阨春秋文八年晉賈季迎公子樂於陳趙孟殺

諸郛即郛邵也又襄二十二年齊侯伐晉取朝歌入孟門

登太行張武軍於熒庭成郛邵孔穎達曰垣曲有邵亭是

也宋白曰其地即周召分陝之所

武億羣經義證左傳襄二十三年入孟門註孟門晉隘也
古今言各殊皆未實指其地當於晉境中求之外傳晉語
公伐原下云乃去之及盟門而原請降注盟門原地請降
退一舍而請降然則盟門卽孟門也孟盟古字通欲知孟
門所在當依原推之後漢書郡國志軹有原鄉通典云原
在濟源縣西由原而退舍三十里在今濟源城之西北俗
名封門鎮封亦盟音轉譌也

舊通志唐張滂孫揆韓建討太原揆分兵趨潞至長子
爲太原將李存孝所擒潞次陰地關諸軍壁平陽存孝
擊之皆大北委仗械去潞斂眾夜遁比明失軍大半存
孝進掠晉絳慈隰其鋒甚盛潞問道出王屋奔河情棼
而濟麾下略盡

素王屋道卽封門口唐時地屬王屋縣志謂爲聞喜之留莊隘非

元至

正十八年曹漢賊分道踰太行焚上黨掠晉冀陷雲中
雁門代郡烽火數千里復大掠南還察罕帖木兒遣兵
伏南山阻隘而自勒重兵屯閭喜絳陽賊果走南山縱
伏兵橫擊之賊皆棄輜重走山谷其得還者無幾

謹案由封門口至垣曲又循毫清河經皋落鎮度橫
嶺關爲河內至河東隘道橫嶺關俗稱爲風山口風
封亦同聲字猶史記之封陵地志皆作風陵也以武
氏之言推之則謂由橫嶺至封門皆古孟門隘可也
咸豐三年粵匪從此竄入連陷垣曲曲沃平陽同治
六年捻匪掠平絳亦從此竄出故河北有事防戍必
及同治初於垣曲立東灘營以外委分駐並設把總
由平陽換防云

其地在河東而由陝西設關者曰大慶關卽蒲津也在永濟縣西五里朝邑縣東二十五里

方輿紀要蒲津關在蒲州西門外黃河西岸西至陝西朝邑縣二十五里左傳文二年秦伯伐晉濟河焚舟卽此處也又昭元年秦公子鍼奔晉造舟於河通秦晉之道也戰國時魏置關於此亦曰蒲坂津亦曰夏陽津秦紀昭襄王五十年初作河橋司馬貞曰爲浮橋於臨晉關也漢王二年東出臨晉關至河內擊虜殷王卬三年魏王豹反韓信擊之盛兵蒲坂塞臨晉信益爲疑兵陳船欲渡而從間道襲安邑虜豹遂定魏地景帝三年七國反吳王濞反書曰齊諸王與趙王定河間河內或入臨晉關咸與寡人會於洛陽武帝元封六年立蒲津關蓋設關以譏行旅後漢建

安十六年曹操西擊馬超韓遂與超等夾潼關而軍操潛遣徐晃朱靈度蒲坂津知其無謀也既而操從潼關北渡遂自蒲坂度西河循河爲甬道而南大破超軍晉太元十二年慕容永自長安而東出臨晉至河東又符丕使其相王永傳檄四方會兵臨晉討姚萇慕容垂後魏孝昌三年蒲寶寅據關中圖馮翊未下長孫稚等奉命討之至恆農楊侃謂稚曰潼關險要守禦已固無所施其智勇不如北取蒲坂渡河而西入其腹心置兵死地則華州之圍不戰自解潼關之守必內顧而走支節既解長安可坐取也稚從之寶寅由是敗散永熙二年魏主入長安高歡自洛陽追之克潼關進屯華陰既而退屯河東使薛瑜守潼關庫狄溫守封陵築城於蒲津西岸以薛紹宗爲華州刺史使

守之西魏大統初司馬子如等攻潼關旣而回軍從蒲津西濟攻華州不克而還三年高歡軍蒲坂造三浮橋欲渡河不果旣又自壺口趣蒲津濟河至馮翊敗還魏軍追至河因乘勝取蒲坂定汾絳四年造軍爲梁九年復築城爲防蓋恃爲重險也後周建德五年圍齊晉州分遣辛韶等守蒲津關隋都長安亦於蒲津起河橋以通河中置中渾城以守固河橋仁壽末漢王諒謀舉兵并州裴文安說諒曰今率精銳直入蒲津以大軍繼後風行電掣頓於霸上咸陽以東指揮可定京師震擾誰敢不從諒不能用而遣將斷河橋守蒲州楊素銜枚潛濟諒軍遂敗大業十三年唐兵自河東濟河而西朝邑法曹靳孝謨以蒲津中渾二城降唐開元十九年於蒲津兩岸開東西門各造鐵牛四

以維浮梁張說銘曰隔秦稱塞臨晉名關關西之要衝河東之輻輳是也寶應初回紇引兵助唐討史朝義於東都至忻州欲自蒲關入由沙苑出潼關而東不果建中四年朱泚作亂據長安上幸奉天李懷光自河中渡至河西屯蒲城李晟亦自易定西還自蒲津濟軍於東渭橋興元初李懷光叛自涇陽焚掠而東至河西或勸河中守將呂鳴岳焚橋拒之鳴岳不能從中和四年黃巢掠河南諸道請救於河東帥李克用克用引兵欲渡河陽爲河陽帥諸葛爽所拒乃還兵自陝及河中渡河而東五代梁貞明六年河中帥朱友謙襲取同州去梁歸晉梁遣劉鄩等攻同州友謙請救於晉晉將李存審等將軍至河中卽日濟河軍於朝邑旣而大敗鄩兵漢乾祐初李守貞以河中叛漢將

白文珂克西關城柵於河西宋大中祥符四年行幸河中
祀汾陰改爲大慶關建炎初金人窺關中濟自蒲津元致
和元年燕帖木兒據大都迎立懷王陝西行臺也先帖木
兒起兵從大慶關渡河入河中府趨懷衛河東官吏皆棄
城遁旣而上都陷乃降明初平關陝亦自蒲津濟王氏有
言武關以限南諸侯臨晉以限東諸侯蒲津爲關河之巨
防於今爲烈矣

永濟縣志明隆慶四年黃河徙道穿朝邑而南移大慶
關於東岸萬厯八年復決而東後又西移

國朝康熙三十四年河東徙距城五里乾隆嘉慶間迭經
西徙愈徙愈遠今距城二十餘里

謹案黃河東西遷徙無常關則自唐以來舊隸河西

其見於史者有越城西關城皆河西舊關也今河益
西徙而所謂舊關者亦在河東百餘年來居民成聚
近關有王家閭家郝家諸村莊並隸朝邑而與蒲州
以七里渡老河渡爲界方輿紀要河中流上有中潭
蒲津二城考其故址當在諸

村關舊設巡檢司今以朝邑主簿分駐

右平陽南路及絳蒲解三府州屬

山西通志卷四十九